

مسرحيات
عربية

هبياد اللوح ■
سونانا الأمل ■

خيرى شلبى



مسرحيات
عربية

صيد اللؤلؤ

معزوفة غنائية في ١٠ مقاطع

بيونا نا الأمل

معزوفة شعبية في ٧ لوحات

خيرى شلبي



المكتبة العامة للكتاب

١٩٨٢

مقدمة

ناثرت في كتابة هاتين المسرحيتين الفئائيتين بمصدرين لا يمكن انكارهما . ومن بين عشرات المسرحيات التي كتبتها فصلت المبادرة بنشر هاتين المسرحيتين لما لهما في نفسى من مكانة واعزاز ينبعان من طبيعة التجربة الفنية التي خضتها في كل منهما . فقد حدث ان قرأت رائعة المؤلف الامريكى العظيم «جون شتاينبك» المسماة باللولؤة ، فهزنى عالمها الواقعى الاسطورى وبقيت في نفسى صداؤها سنوات طويلة الى ان وجدتني مدفوعا لكتابة هذه المعالجة الدرامية الفئائية العربية التي ارى انها تخصنى وحدى .

وقد حدث ان استمعت - او لعلنى قرأت - احدى الحوادث الشعبية التي تمجد قيمة العمل مرتبطا بالحب من وجهة نظر شعبية خالصة ، فوجدت انها تصلح اطارا لبعض مايعتمل في نفسى من افكار ومعان خاصة بقيم العمل والعلاقات الانسانية ، فكانت هذه السوناتا .

وبعض الافكار التي يخلقها الآخرون تكون من الاصاله بحيث تجد اصدااء انسانية في كافة انحاء الكرة الارضية ، وتنضم الى قائمة الافكار العظيمة التي بقيت ملكا للفكر الانسانى عامة ، ولانها افكار خلاقة فانها تلوب في المجموع وتعطى احقية وامكانية اعادة النظر فيها بوجهات فنية جديدة لكى تعكس مفاهيم جديدة او رؤى جديدة .

واعتقد اننى في كل من المسرحيتين قدمت وجهة نظر خاصة بى ، ومعالجة فنية خاصة بى ايضا . والله ولى التوفيق .

« خيرى شلبى »

صيد اللؤلؤ

معروفه غنائيه في ١٠ مقاطع

(١) الكوخ والعقرب

(كورس من الصيادين)

الكورس : مساء الخير .. الليلة عايزين نحكيلكوا حدوته ..
حدوته جايه من بلاد .. أبعد بلاد .. شالتها الناس
جواها .. منين ماتروح ، تروح وبها . أصلها حكاية
عجب !

- حكاية اللؤلؤة ؟
- حكاية الجوهرة .
- انا باقول اللؤلؤة !
- وانا باقول الجوهرة !
- لا هي حكاية لؤلؤة .. ولا حكاية جوهرة
- امال حكاية ايه ؟
- حكاية الراجل الصياد

- حكاية زوجة الصياد
- حكاية ابن للصياد
- اهدوا يا اخوانا .. مش كده .. الحكاية مش حكاية
للؤلؤة .. ولا حكاية الصياد ، ولا زوجة الصياد ..
ولا ابنهم
- امال حكاية مين ؟
- حكاية حاجة جوه البنى آدمين
- تبقى ايه الحاجه دى .. ؟ ..
- جايز تكون جوهره .. جايز تكون لؤلؤة .. جايز تكون
معدين اصيل .. وجايز تكون حتة صفيح .
- المهم ان احنا عايزين الحكاية ..
- (مشيرا الى كوخ مسعد) الحكاية بدأت من هنا .
- (صوت الموج يتلاطم فى الخلفية)
- صابرين : (تهز مسعد برفق) اصحى يامسعد .. الفجر واقف
عند شط البحر مستنى
- مسعد : (بصحو) الدنيا مالها برد يا صابرين ؟
- صابرين : انت اللى متكلت بكسلك
- مسعد :! (يرمى الفطاء) ازى حال الواد ؟
- صابرين : بخير
- مسعد : هاتيه اصبح عليه
- صابرين : انا خلاص .. ملقته فى سريره .

مسعد : (ضاحكا) يا ستنى ماتتريقيش .. آهى بكرة تبقى
سرير .

صابرين : وايه يعنى لو تبقى ؟. انا عندى يفضل قفص ..
متعلق كده فى السقف .. أحسن مايبقى سرير
(موسيقى ناعمة دافئة جدا - فى الخلفية)

مسعد : (مبتسما) حاكم انتى غاويه الففر .. جسمك خلاص
.. خد ع الحصيرة والمخاة القش .

صابرين : اسم الله على جسمك .. خد ع المراتب والكراسى
الجاد

مسعد : (ضاحكا) ياما نفسى يا صابرين
صابرين : نفسك اتملت بحاجات (بتريقه) بعيدة عن السامعين
مسعد : شوفى يا صابرين .. كل شىء فى الدنيا جاز .. مش
بعيد الحلم يتحقق على الصابرين .

صابرين : خللى نظرك قد طولك
مسعد : هى .. نبقى مش رايحين ولا جايين
صابرين : لو تبص لفوق حتتعب
مسعد : ما احنا اصلا تعبانيين
صابرين : اصل دا مكتوب علينا
مسعد : هوه ايه ده اللى اكتب ؟

صابرين : نبقى فى حياتنا صيادين .. (موتيف موسيقى عفيف
سرير)

مسعد : طب واللى نايم فى القفص ؟

صابرين : ربنا يجبر بخاطره . (تعود الموسيقى الناعمة)
مسعد : يارب يجبر بخاطره .

صابرين : امتى اشوفه معاك فى وسط البحر زى الـ ..
(الموييف الشرير)

مسعد : (يصيح فزعا) لا بلاش الحلم ده (بألم) مش كفايه ابوه
وجده وجد جده .. كانوا دايمًا صيادين ؟

صابرين : امال ايه اللي انت عايزه ؟

مسعد : يبقى راجع محترم .. يبقى واحد افندى قيمة ..
من بحور العلم شارب مر حسرتنا .. من عيون الشمس
عينه .. من ضياها ياخذ له سكه .. يخبط أيديه على
ضهور المكاتب .. وسط قاعات الكلام .. يضرب بسيفه
على أرض المنابر .. يطرح أمانينا على روس العباد ..
ويمسح على القلب اللي مليان حداد .. يسقيه وداد ..
ويهز قلب العالم القاعد على عرش الحياة ، رافع الحياة
.. ويفكره بالاله .. ويمد ايده على عالم الارض اللي
شارب م العذاب .. يفتح له باب (الموسيقى الناعمة
الدافئة)

صابرين : أصحى يامسعد .

مسعد : أنا صاحى .. مانيش بألم

صابرين : يعنى عارف انك انت ف بيتنا لسه ؟ .. وسط
عشش الصيادين ؟

مسعد : ايوه عارف .. وعشان كده قلت الكلام ده

صابرين : طب يلا قوم .. دا الفجر سبقك ع الطريق .

مسعد : (ينظر حواليه) يعنى مش شايف فطار ولا حاجة
قدامى

صابرين : لسه العجين ماخمرش .. حاول النار واخبز لك
فطير .

مسعد : طب الحقى حوشى العجين م النمل .. دا النمل
زاحف عليه طوابير ..

صابرين : متخافش يا مسعد .. العجين متغطى وكويس
مسعد : شايفه يا صابرين .. النملة بتكافح عشان تطلع من
الحفرة

صابرين : (بدّهشة) أبوالله يامسعد .. والحفرة دى حفرتها
نمله كبيرة فى السكة .

مسعد : (ينهض) طب يلا قومى اخبى فطيرك عشان نفطر .
صابرين : حالا حتفطر

مسعد : حاطع القارب وافرد الشبكة قوام (يخرج)

الكودس : (مغنيا) الشمس فردت غزلها فوق الجبال

والارض صابحة تعوز لها .. قوة رجال

قوم ياولد شد الجبال ..

اصل العروسة قاعده بتضفر جداول شعرها ..

فوق كرسى من خد الفيطان .

البحر ف ايديها مرايه ..

لكنها ابدا ماتهواش «الحكاية» ..

حتى ولا تفكر تشوف نفسها ..

عن نفسها عارفة الكفاية ..
 والحبيب عارف معادها
 وهى ماتعرف معاده
 بس لما يغيب عليها ..
 تبقى مش طايقه بعاده ..
 يسخن الشوق فى حشاها ..
 من حرارة حبها تعرق بلاده
 ومن لهيب قلبها تولع الكوانين
 ويرق طبع الهوى ويلين .
 وكأنه عمره ماالتكوى .. ولا طاب ..
 ومادام تطيب للحبيب رجعتة للدار ..
 ... والاكل فوق الكوانين استوى ..
 يبقى بادار مايدخلك اشرار ..
 ولا يدخلك الا صوانى الخير .
 تتمد قدام الحبيب .
 م الحب ياكل وياخذ كل زواده
 ولما يتمدد وياخذ حضنه اولاده
 يحمر خد العروسة على صدر القمر
 ينطرح توب الزفاف لابيض
 ويرخى جفن الحبيب .. على حبه .. واسعاده
 (الاغنية تقود الكورس الى ضفة النهر ، وتفوص بهم الى
 اعماقه)

- (مسعد يتناول الطعام مع زوجته التى تسرح شعرها)
- مسعد : (بينما يأكل) مش قلت لك ماتسرحيش ع الاكل شعرك ؟
- صابرين : امال أسرح امتى بس .. هوا فيه قدامنا وقت ؟
- مسعد : (يومئ فى رضاء) سرحى وانبسطى يا صابرين (يشرب) عارفه شعرك شكل ايه ؟
- صابرين : (مبتسمة) شكل ايه ؟
- مسعد : شكل حزمه من خيوط الشمس .
- صابرين : (منتبهة) والنبي دى الشمس نازلة من الناروزة .. عارف الشمس تشبه ايه ؟
- مسعد : ايه ؟
- صابرين : تشبه (بيضه بتفقس)
- مسعد : آهى راخره سايحه فوق جبال القفص (يتنهد)
- صابرين : (بابتسامة جذابة) كل يوم الصبح تطلع ع القفص .. عشان تلقى الواد .
- مسعد : (يشهق وينتفض ملعورا) آه ...
- صابرين : (ملعورة) هيه
- مسعد : (منتفضا) الجبل
- صابرين : (منتفضة) ماله ؟
- مسعد : (ينهض فزعا) الحقى
- صابرين : (متخبطة) الحق ايه ؟

مسعد : عفر كبر ع الحبل ماشى .. ديله متمدد وراه
صابرين : (تلمم وجهها صارخة) آه .. يقدر يرفعه فى لمح
البصر

(انفاسها تتلاحق فى لهاث مضطرب)

صابرين : اعوذ بالله من الشيطان الرجيم .. اعوذ بالله من
الشيطان الرجيم ... يارب .. يارب .. يارب ..

الطفل : (يضحك فى سعادة وحبور)

مسعد : (يكر على أسنانه صائحا) اى .. بيمد ايده عليه

صابرين : (تزداد توترا) يارب .. يارب .. يارب
(موتيف موسيقى الشر يزداد حدة ورهمة)

الطفل : (يضحك) (القفص يهتز بفعل حركة الطفل)

مسعد : (ممزقا) ياخبر اسود .. الحبل مين هزه .. آه ..
المقرب وقع فى القفص ..

صابرين : (ترتعد وتولول) وقع دراعه .. (بجنون) فوق
دراعه

الطفل : (يصرخ فى فزع صرخة هائلة)

صابرين : (تجاوبه بنفس الصرخة) قلب امك .

مسعد : (معها) كبدى

صابرين : (صائحة) اوعى ايدك . بتمسك العقرب بايدك ؟

مسعد : (يجز على أسنانه) ياكلب (يضربه فى الارض ثم
يسحقه)

الطفل : (يرتفع صراخه)

صابرين : (بلوعة) ابني (تحمله .. بجنون تأخذ في مص الدم
من مكان القرصة ثم تبصقه)

مسعد : أيود مصى .. كمان .. مصى

الطفل : (يرتفع صراخه)

(يقترب لفظ ، ويبدأ الكورس يتكون بسرعة غريبة)

الكورس : ايه الحكاية ؟ ..

— حصل ايه عند مسعد ؟

— يمكن حريقة ؟

— أنا ماشفتش نار

حماده : (قادما يجرى) ايه يا جماعة ؟ .. أخويا مسعد
عنده ايه ؟

أم الخير : (تجرى خلفه) سلفي ماله .. عنده حاجه ؟

الكورس : ماتخافش يا حماده .. وانتى يأم الخير

— (خارجا من الكوخ) دا عقرب .

— عقرب ؟ .. دا عقرب .. اذن هوا عقرب

— عقرب قرص الولد ..

— عقرب قرص الولد ..

— عقرب قرص الولد .. (صراخ الطفل يزداد ويقترب)

مسعد : خلاص ؟ .. مصيتى كل الدم ؟

صابرين : شايف الدائرة .. وسعت فوق دراعه ازاي ؟

مسعد : والورم زايد حوالها

صابرين : دايمًا بتبدأ كده .. مكان القرصة يوم
مسعد : وبعدها (يمنع نفسه من قول الباقي) يا حبيبى يا اينى
.. ياريت السم دا فيا

صابرين : ياريتها فى جسم العدو
مسعد :! (بصوت داعم) ازلى ذراع الواد حيستحمل ؟
صابرين : (مرددة بانهيار) الحمى .. وريقه ينشف .. المدة
تتشنج .. حتموت يا كبلى ؟

الطفل : (صراخه يتحول الى انات)
مسعد : (مخادعا) على فكرة يا صابرين .. كمية السم ماهش
كبيرة

صابرين : (بلهجة صارمة حادة) الحكيم .. اجرى هات
الحكيم دلوقت

الكورس : (بسخرية خفية) الحكيم ؟

— الحكيم !!

— ها .. الحكيم

— صابرين بتطلب حكيم

— حاجه حلوه .. دى تنتشر فى جرائين : صابرين بتطلب
حكيم

— لو جه حكيم بصحيح .. كان يبقى شئ محصلش

— تبقى القيامة تقوم

— ياعم ايه اللى حيجهيه .. هوا الحكيم مجنون ؟

— يمكن خلاص .. ماعادش فى الاغنيا عيانيين

- ولا يمكن زهق م المدينة .. م البيوت الحجارة وجبس
- .. وحب يتفرج ع البيوت الطين
- مش ممكن حيبجي .
- مش ممكن حيبجي .
- مسعد : (بالم) مش ممكن حيبجي .
- صائرين : نروح له احنا — يلا بينا
- مسعد : وسعوا يا اسيادنا
- حماده : يلا يام الخير .. حنروح معاهم للحكيم .
- ام الخير : ضرورى طبعا نروح معاهم
- الكورس : (بمجاملة) واحنا كمان حنروح
- طبعا لابد نروح
- احنا عارفين الجروح
- مانسيبش واحد مثنا مجروح
- مسعد : الناس دى رايعين فين ؟
- حماده : (ضائقا) ماعرفش ليه الخصلة دى ؟
- مسعد : (لنفسه بفيظ) طب يا حوش .. زفونا زفة مجرمين .
- (يمضى الركب البائس تحف به موسيقى الشر)

المتسول الاول : ايه يا جماعة ؟

افراد من الكورس : لا مفيش ... عقرب قرص عيل .

المتسول الثاني : ايه .. ايه .. على فين يا سيادنا ؟

افراد من الكورس : ماقلنا لكم . عقرب قرص عيل

المتسول الثالث : ورايحين فين ؟

افراد من الكورس : أمه وابوه رايحين للحكيم يداويه .

المتسول الرابع :! دول ناس غلابه صحيح

المتسول الاول : الام رابطة شعرها بشريط مايجبش تعريفه

المتسول الثاني : والاب لابس عبايه .. مفسولة بالميت ميتين

مرة

المتسول الثالث : مفيش مجال للشحاته .. شحاتين يشحتوا

من شحاتين ؟

المتسول الرابع : تعالوا نتفرج

المتسول الاول : متسبينا قاعدين حدا الجامع .. آمى
ترزق

المتسول الثانى : مفيش حد النهارده حيصلى

المتسول الاول : طب نروح الكنيسة

المتسول الثالث : كل البنات اعترفت من يومين ... والنهارده
مفيش خطايا

المتسول الرابع : انا نفسى اتفرج على الحكيم

المتسول الثانى : حتبقى فرجه صحيح .

المتسول الاول : الناس غلابة .. فاكرينه يعرف يداوى

المتسول الثالث : وهو يادوبه .. بي فهم قد حاوى

المتسول الثانى : لو يحكمونى عليه .. كنت افتح كرشه بالصرمة.

المتسول الثالث : لو فتحته .. حتلاقيه مليون بلاوى

المتسول الاول : نص دم المخدوعين موجود فى بطنه

المتسول الثانى : لا ونص الموجودين فى الجبانات ماتوا بايديه

المتسول الرابع : والغريبه ياجماعه .. ايده ناشفة وجيبه

متسنكر بقفل حديد . (ضحكات)

المتسول الاول : لو عليه مليم لواحد .. البوليس هو اللي جاين

يقبضه (ضحك)

المتسول الرابع : تعالوا نتفرج .

(الركب البائس يتوقف عند بوابة الحكيم)

صابرين : مالك يامسعد .. وقت ساكنه ليه ؟
 مسعد : ما عرفش ياصابرين .. مش عايز ادخل له
 صابرين : مش عايز ايه ؟
 مسعد : (باله) اصله ماهش مننا
 صابرين : يعنى ايه ؟
 مسعد : يعنى مش حيحس بينا .. وازاي حيقدر يداوينا ؟
 صابرين : كلام ايه ده يامسعد ؟
 مسعد : كلام الحق يا صابرين . الحكيم من جنس غير جنسنا .
 سنين طويله بيعضرب فينا .. مجوع اهالينا ..
 يسرقنا . ويبخوفنا طول عمره .
 صابرين : بس احنا جينا خلاص
 مسعد : وقتى قدامه حتدلنى
 صابرين : لو كنت منك لاجمد قلبى وادخل له .
 مسعد : قتل الحكيم اسهل من كلامى معاه . احنا قدامه وقدام
 عيلته اقل من حشره
 صابرين : ابنك حبيبك حيخلص (الطفل يئن)
 مسعد : خلاص .. حادق بابيه وامرى ليك يارب (يطرق باب
 البوابة . مع طرقاته تملو موسيقى الشر . تفتح البوابة .
 يطل منها خادم قريب الشبه بافراد الموكب)
 حماده : (لمسعد) ايسط ياعم .. ادى راجل من عيلتنا
 ايه .
 مسعد : بس ياخسارة .

الخدّام : نعم .. اى خدمه ؟

مسعد : العقرب المنجوس قرص ابنى الحبيب . ومحتاجين
للحكيم علشان يعالجه

الخدّام : نحظه واحدة . حاروح بنفسى ابلغه (يفلق البوابة)
(الحكيم محدثا نفسه بمعجرفة وصوت مبجوح)

الحكيم : فلت له ميت مره هات الصنية الفضة احسن (ياخذ
رشفه من فنجان) ماعادش للشيكولاته طعم (ياكل
شطيره ثم يرشف رشفة) والبسكويت راخر .. حتى
الحياه نفسها .. ضاع طعمها (يرشف) مع السلامه
يازوجتى الراحلة .. لعلك سعيدة فى الدار الآخرة
(يمضغ) اذا لم تساعدنى الاحوال على مفادرة هذا البلد
فربما أجن (يرشف) لابد من الذهاب الى باريس
والاقامة فيها خلال هذا الشهر (الخدّام يقبل نحوه
صامتا) نعم .. عايز ايه ؟

الخدّام : صياد حقير .. فقير .. شايل ولد .. وبيقول ان
عقرب قرصه فى دراعه .

الحكيم : (بفضب مكتوم) هيه .. خلاص ما عادش عندى
عمل ؟ .. مافضلش - غير انى اعالج قرصة الحشرات
للصيادين التافهين ؟ .. انا مش حكيم بيطرى .. انا
دكتور .

الخدّام : (يومئ متأسفا) كان لازم ابلغ حضرتك .

الحكيم : ممعاهش اى فلوس ؟ .. بالطبع لا . دول عمرهم
مايشبلوا اى فلوس . اشمعنى انا - دونا عن خلق

الله - بيتوقعوا منى الشغل من غير مقابل ؟ . انا قرفت
.. من الحكاية دى .. روح اساله : معاه فلوس ولا لا ؟

الخادم : حاضر ياسيدى (يستدير عائدا) (خطوات)

مسعد : (مثلاً) ورينى يا صابرين .. الجرح واربم ولا خف ؟
(تنفتح البوابة)

الخادم : انت ياراجل .. معاك فلوس تدفع مصاريف العلاج ؟
مسعد : (يعطيه ورقة ملفوفة) خد ياسيدى .. آدى كل الى
عندى

الخادم : (متأملا فى الورقة) فيها ايه باترى ؟

مسعد : فردة حلق .. حلق مرأتى الذهب (يأخذ الورقة
ويفكها) بعد الفرح بسنين بعنا فردة .. وآدى فردة

الخادم : استنى لحظة (يفلق البوابة)

مسعد : على فكره .. مش حيرضى

الخادم : (يفتح البوابة) معلش ياخوانا .. خرج الحكيم .

الجميع : خرج ؟

الخادم : طلبوه فى حالة مستعجلة (يفلق البوابة بعنف)

حمادة : يلا يا اخوانا

الجميع : يلا

التسول الاول : يلا بينا كمان .. الحكاية مش جديدة .

(ينصرف الجميع ما عدا مسعد وزوجته)

صابرين : ما عادش فاضل غيرنا يامسعد

مسعد : (يرفع قبضته ويهوى بها بعنف على البوابة) .
صابرين : (تشهق فزعة) ايديك .. مبسوط .. ايديك
اندفخت ..

كورس الشر في هذه الاغنية :

ياعروق الدم صبي من قلوب الناس كاساتنا

متعينا بالشراب الحلو لاحمر

لا يهملك ان صاحبك جف عوده

لا يهملك لو حيتقطع وريده

لا يهملك انه مرمى جنب حيطه .. او فى بيت .

اسحبيه من جوه روحه .

طيبيه على نار جروحه ..

دوبيه وهاتيه بسرعة ..

وعمرى لنا اللببه زيت !

ياملاية الشمس ياعرض كفن .

لتميمهم ، غمضيههم ، لقلقيهم ..

اعمليههم حته واحدة .. فى بطوننا تندفن

لا يهملك شغالين ..

لا يهملك مخلصين ..

لا يهزك سخط كل الساخطين ..

لا ياتر فيكى دمع المظلومين ..

.. او جمال الحزن يضوى ع الجبين .

سدى عينك لاتشوفى مقهورين

وماتسمعش للحرف رنه بين شفايف العاشقين
 كوني بارده زى صمت الراقضين .. متسلطين
 ورا نفسهم
 دوقينا طعمهم .
 دوقينا طعم كل السامانين والقرفانين والمحدوفين
 على سكتك .
 الا وحياة غربتك .. ريقنا جف وعطشانين
 احنا قبر بالف عين متفتحين ..
 ضينا لهب الانين .
 (على شاطئ النهر)

مسعد : صليتي يا صابرين ؟

صابرين : الحمد لله ..

مسعد : طلبتي من ربنا يشفى الولد ؟

صابرين : لا .. طلبت منه .. لؤلؤة ..

مسعد : اسمعنى يعنى اللؤلؤة .. هو ايه شغلتننا غير صيد
 اللالى

صابرين : طلبت منه لؤلؤة تانية .. لؤلؤة كبيره .. تكفى اجرة
 حكيم .. اكبر حكيم

مسعد : وازى حال الواد ؟

صابرين : هدى حبه .. بس الورم زايد على كتفه . وواصل
 رقبته .. وتحت ودنه كمان ..

مسعد : (يتنهّد) وحنعمل ايه يارب

صابرين : اللبخة ايه .. عملتها له من حشيش البحر .

مسعد : وحتصحيه ؟

صابرين : باذن الله .. يعنى الحكيم حيعالجه احسن من

حشيش البحر ؟ ولا الحكيم كان عنده سر الاله .. سر

الاله فى البحر .

مسعد : (لنفسه حالما) والبحر شبه الخليج ..

صابرين : .. والخليج ما ينتهيش ..

مسعد : زى الامل .

صابرين : والامل كداب .

مسعد : ابدا .. ماهش كداب .

صابرين : يمكن يكون غدار ؟

مسعد : ولا غدار ..

صابرين : (بأسف حزين) آه ياامل وارم .. على كتف العزيز

ابنى

مسعد : حضرى القارب .

صابرين : بايديك معايه (يسكان القارب من طرفيه ويجرانه

حتى ينزلانه النهر)

(صوت ارتطام القارب بالنهر .. ياتى صوت مسعد

وصابرين من مكان غير مرئى ، من وسط النهر تقريبا)

مسعد : فين الولد ؟

صابرين : مربوط على ضهرى

مسعد : والصخرة فين ؟

صابرين : ! مربوطه في جبلها .. والجبل ايه .

مسعد : والسله فين ؟

صابرين : مربوطة في جبلها .. والجبل ايه .

مسعد : انا حانزل الميه واغطس من هنا

صابرين : شايف المحارقده ايه ؟

مسعد : محار مكسر وفاضى . اربطيلى الصخره في رجلي ..

عايز انزل في القرار .

صابرين : ادينى ربطته لك . انزل بقى . ربنا وبالك .

(يمكن أن نسمع صوت نزوله في « القرار » . وفي التو .

يدخل صوت نزوله في أغنية يهتز لها كل شيء في الوجود

النهرى اهتزازة نشوانة رومانسية هي « اغنية اللؤلؤة

التي قد تكون ، والتي يفرضها جو النهر على الجميع فتنبع

في عمق النهر حينما يقطس الصيادون للبحث عنها فهم

أعظم الآمال في الدنيا على الإطلاق ..

الاغنية: يابحر نور ..

سهل لنا كل الامور

دا القلب عطشان للسور ..

مايبل ريقه غير عيون اللؤلؤه .

القاهها فين ؟ ..

جوه المحار ؟ ..

ولا في ضى العين ؟ ..

ولا في صدر الارض شبكه من الحبيب ؟

فرمت زرعين ..
 زرع للحب والتانى ..
 عشان الحب يبقوا اتنين ..
 ولا فى حب الندى .. فرط على الخدين ؟
 ولا ف رضا قلبين مالمش غير لاتنين ..
 ولا ف بطون الامهات ؟ ..
 ولا فى بذور الزرع فى ايدين الصبايا ؟
 ولا فى حرقه واد فى موال اخضر ؟ ..
 .. او فرحته لما الحبيب يحضر ..
 ولا فى صرة عيش على الضهر اللى مخنى ع المخطوط ؟
 ولا ف مراكب نايمه لسه على الشطوط ؟
 ولا فى قاع البحر كلها أخطبوط ؟ ..
 اللؤلؤة .. اللؤلؤة .. اللؤلؤة
 اللؤلؤة مش فى المحار ..
 ده اللؤلؤة جو الصدور ..
 (اثر الانتهاء من هذه الاغنية يجيء صوت مسعد وزوجته
 فى ابتهاج خفى)
 مسعد : صابرين .. وقفى القارب .
 صابرين : آهو واقف .. هات ايديك ... وهات السلة والصخرة
 (تعود الاغنية من جديد كنسمة عابرة . مسعد وصابرين .
 يقترب بصورة واضحة حتى يحاذى الشاطئ .)
 صابرين : (لنفسها فى ابتهاج) باين عليه فرحان .. فى بصنته

حلم متحقق .. ياترى هوه ايه ؟ ... ولا أقولك يابت ..
اعملى مش واخذه بالك .. ماتسألش دلوقت .. كتر
السؤال يطرد الحظ ياعبيطه !!

مسعد : (نفسه فى ابتهاج بينما يفتح الخطوة) افتح المحارة ؟
ولا أستنى .. مش قادر أستنى (مترددا) طب سيبها
دلوقتى .. ولا أقولك .. افتحها احسن .. ولا بلاش ..
تاخذ دى (يتناول محارة أخرى ويفتحها بالخطوة ثم
يرميها) معلش .. طلعتى فاضيه ، زى بعضه . نفتح
الثانية (يفتح ثانية) برضه فاضية ؟ .. زى بعضه ..
وايه يعنى .. بسيطة (بجلد صبيانى يخفى فرحة عارمة)
تعالى انتى يابيضه ياطعمة ياحلوه .. تعالى افتحى
نفسى .

صابرين : (جذلة) اى .. قال يعنى ماشافهاش الا دلوقتى
مسعد : (بلهجة راقصة مفتبطة وهو يدير المحارة أمامه) شكلك
جميل يادى المحارة

صابرين : منظرها اكبر م الامل
مسعد : شايفه ياصابرين .. خطوط سوده على بنى
صابرين : شايفه .. خطوط بتلمع زى ضى الشمس واحسن .
مسعد : ياسلام .. محاره دى .. ولا .. قلب نازل م السما ؟
صابرين : (متوجسه) دى ما هتش محاره .. دى قلب
ابليس .

مسعد : وجايز قلب آدم
صابرين : او قلب واحد نبى .

مسعد : أو قلب أمى الحنين

صابرين :! حظها ف ايدى ؟

مسعد : افتحى ايدك (تفتح يدها فيضعها عليها بقدسيه)

صابرين : يا صلاة النبى احسن

مسعد : اكيد جواها دنيا بحالها يا صابرين

صابرين : وانت جوه الميه .. ماشفتهاش مفتوحه ع الصخره ؟

مسعد : شفتها طبعا .. اول ماجيت ناحيتها . قفلت نفسها
على نفسها

صابرين : ماشفتش حاجة جواها ؟

مسعد : (بتردد) و .. و .. فى الحقيقة .. مانش قادر

اتأكد .. معرفش .. اللى شفته وانا فى القرار .. كان

انعكاس ؟ .. ولا حته صدف دخلت فى المحارة ؟ ..

ولا شفت حاجة فى دماغى أنا ؟

صابرين : (متوجسة) لا وانت فى دماغك حاجات وحاجات ..

ياما عينك شافت حاجات فى دماغك انت وكان عينيك

مفتوحين بالعكس .

مسعد :! (مبتسما) يعنى ايه ؟

صابرين : .. تبص لجوه .. ماتبصش لبره

مسعد : (مبتسما) حاعمل ايه .. ماهو الخليج ماورائيش

حاجه .. والخليج مليون .. بس اللى جوه دماغنا اكر .

(صوت الطفل يبكى بهدوء)

صابرين : (بسرعة ولهفة) افتحها يامسعد (تربت على الطفل

فيسكت)

مسعد : يا هادي (يشق الصدفة بالمطواة - باغتباط) ياه ..
العضلة تحت المطوة بتعصلح وتتصلب (يرفع حافة الصدفة
بجد المدية) شايفه يا صابرين .. اللحم عمال بيتلوى .. زى
الحنك لما يتقفل .

صابرين : (مسرعة وبأنفاس لاهثة) طب ارفع اللحم بالمطواة
.. (مسعد ينشفل في رفع اللحم بالمطواة . اغنية « اللؤلؤة التي
قد تكون » (تلب ديبيا حلوا)

مسعد : (صائحا) صابرين .. اللؤلؤة

صابرين : (تصيح مع ارتفاع ذروة الموسيقى) اللؤلؤة
.. اللؤلؤة ..

مسعد : (يدلت زمامه) ياسلام ع البدر لما يكتمل .. يصبح قمر ..
صابرين : يا حلاوتها ... بتقابل الضى وتصفيه .. دى مولعه بالضى
مسعد : (مجنوننا) بضى الغضه بتصهرج

صابرين : مسعد .. تكونش .. شايل على ايدك القمر ؟

مسعد : دا القمر والشمس يا صابرين

صابرين : صلاة النبى احسن .. قد بيضة وزه والله (موسيقى
اغنية اللؤلؤة فى الخلفية) يا حلاوة .. اقلبها فى ايدك كده
.. دايره وكامله (تنهض) .

مسعد : رايحه فين ؟

صابرين : (وهى تنزل الطفل عن ظهرها) حاشوف الواد

مسعد : ايوه فكرتينى بيه .. ارفعى اللبخة وشوفيه

صابرين : (تفرق اللبخة - تصيح بمغتمهى الفرح) مسعد

مسعد : (منتهيا بقطا) هيه .

صابرين : راح الودم .. كانه ماكان موجود .. السم راح من جسم
ابنى الحبيب .

مسعد : (صوته يصيح قنبلة مدوية تشق الفضاء) الامل !! ..
الدنيا - على ايدى .. (يصرخ باقصى ما فى طاقة البشر من
فرح) يا صر مفتوح لى على وسعة .. خد ابنى فى حضنك
وما تسبنيش انا و امه . (ويسحب زوجته ويجرى كالمجنون
حتى يختفيان)

(الكورس يتجمع من هنا وهناك فى دهشه)

الكورس : مين ده يا جماعه

- الصوت ده جاى منين ؟

- دا باينه قارب واحد اتجنن

- الصوت ده صوت مسعد .

- (بحقد) لازم لقاه . اكيد لقاه

- اكيد لقاه .

- اكيد لقاه .

- الحقوه

- على الاقل نشوفها بس .

الكورس (دفعه واحده) نشوف منظرها .. ونحمد ربنا .

(ويندفع الكورس متفرقا بحثا عن مسعد)

(اربعة اطفال يمرون امام المقهى)

الطفل الاول : شفت لؤلؤة الدنيا ياابنى ؟

الطفل الثانى : هى .. انا اول واحد شافها

الطفل الاول : ياكذاب . والله انا اللى شفتها الاول ...

الطفل الثانى : (مفتخرا) مش ممكن .. اصل مسعد ده .. يبقى

جارنا (يختفى الطفلان وراءهما مباشرة الطفلان الاخران ،

وهناك فى الخلفيه لفظ كثير قادم من ناحية العشش يتوالى،

فالجو كله قائم على قدم وساق فى العشش والمدينة على

(السواء)

الطفل الثالث : (محتدا) بالاماره قد كدهه

الطفل الرابع : لا .. دى قد القمر

الطفل الثالث : حاجة آخر نظاكة .. لؤلؤة الدنيا ياابنى

(يختفيان)

(صبيتان تلتقيان من اتجاه معكوس)

حميده : انتى شفتيها يابت ؟

خضره : شعثها يا اختى شفتها . تجوز بنات البر كله .. بأحسن جهاز . ويفيض من تمنها فلوس .. تعيش بيوت البر كله طول انعمر .. لغاية القيامة (مذهولة) آمال .. مش اسمها لؤلؤة الدنيا ؟

خضره : (بفرح) آمال يابت تقولى هى بتستحمى فى الضى ؟

حميده : : انا خطيبى لسه فى البحر من صباحة ربنا

خضره : وانا خطيبى لسه فى علم الغيب

حميده : (بأسف وهى شارده) يعنى يارب .. تدى الحلق للى بلا ودان ؟

خضره : (محتده) اه .. ارادة ربنا

حميده : ! وانتى مالك زعلانه كده ؟

خضره : او ما كانش يستاهلها .. ماكانش جات له

حميده : الدنيا صحيح ماتدبش عايز

خضره : ! يا اختى .. اهى بتدى اهو

حميده : (وهى تزور عنها) انتى فرحانه كده ليه .. هى كانت

لك انتى .. اما عجائب (وترفع جرتها وتسير . وكذلك

تسير الاخرى معها) ١٠

توحيدده : تعالى نتفرج عليها تانى . (تختفيان)

(فى أعقابهما امرأتان ثرثارتان)

بديعه : يا صلاة النبى يا اختى على لؤلؤة الدنيا . باقولك ايه

تنتحى بزميلتها فى ناحية ما ، وتندمجان فى حديث غير

مسموع ولكن تبدو عليه الاهمية .)

(تدب الحياة فى المقهى)

الشيخ جمعه : (مشرا الى الاكواب) تفضل الشاى يا حضرة
المأذون .

الشيخ عصر : بريد فضلك يا شيخ (يتناول الكوب ويرشف)
الشيخ جمعه : اللهم افتح لنا ابواب الجنة واحفظنا من غرور
الدنيا .

(دكان القمامنى المجاور للمقهى)

الحاج على : (مقبلا) مساء الخير يا حاج أحمد
الحاج أحمد : مساء النور يا حاج على .. اتفضل اقعد
الحاج على : (يجلس) اشدّه مش ناويه تزول ؟
الحاج أحمد : ربنا يكرمنا من فضله (يصب له قدحا من الشاى)
اشرب الشاى (صمت تام)

توحيدّه : باختى سبينى بقى خلينى اشوف شغلى
بديعه : وراكى ايه يعنى ؟
توحيدّه : حاتفرح على تواب القماش .. عند الحاج احمد البقل
بديعه : لازم معاكى فلوس
توحيدّه : أبدا وشرفك
بديعه : طيب ايه لزوم الفرجة ياختى
توحيدّه : الفلوس ما خلاص .. راحت لاصحابها .. صحاب الحظ
بديعه : اما يات حتة لؤلؤه .. تقولى ياختى هى عين من عيون
الله

توحيديه : (ساخرة) هيء .. قال يعنى شافت ميون الله ..
اقعدى ياختى اقعدى

بديعه : ايه لزوم القعدة بس ؟

توحيديه : بيقولوا مسعد جاى .. عشان بيع اللؤلؤة

بديعه : حالا كده ؟ .. دى فيها لبكره غايته .

توحيديه : ابدا .. ضرورى حبيبعها النهارده .. هيه .. قوليلى
بختفى صوتهما ولكن من لحظة لآخرى ترتفع منهما ضحكة
خليعة ساخرة) .

الشيخ عصر : سبحانه يامولانا .. يعطى من يشاء بغير حساب .

الشيخ جمعه : هبطت الدنيا بكاملها على مسعد .

حاج على : اللؤلؤة مش باينه يعنى

الشيخ جمعه : شف ياشيخ عصر .. اذا لم يكن «مسعد» انسانا
يوفى ماعليه من التزامات ، فسوف تنقلب هذه النعمة الى
نقمة

الشيخ عصر : ليس الالتزامات وحدها ياشيخ جمعه .. الديون
ايضا

بديعه : يذمتك .. انا مش خسارة فى الفقر ياختى ؟

توحيديه : لا وانتى الصادقة .. الفقر هو الى خسارة فيكى

حاج على : انا عندي من صنف القماش .. ميات من الاتواب

حاج احمد : (مشيرا الى رفوفه) تعالى يا اخويه واتفرج

حاج على : اكلمها كام ساعة والكرب يرحل ..

بديعه : النبى العزيز دانا جوهره .. جوهره مدفونة فى تراب
البلد .

توجيهه : (ضحكة صامته وساخره جدا)
الشباب عواد : (لزملائه) ولسه ياما حنشوف
رجب : اسمعوا يا جماعة .. الحكاية عايضة نظر
الزملاء : فعلا

عواد : كل شيء واضح .. كل واحد مننا دلوقت ممكن يخاف على
بيته ومراته .. دى لؤلؤة الدنيا .. والدنيا غروره صحيح
.. وتفكرى (ويشوح فى الهواء فى أسف ثم يفكر)

الزملاء : (يندمجون كلهم فى تفكير أسيف)
بديعه : طب بذمتك .. انهو الأمل فىنا .. أنا ولا .. صابرين
مرات مسعد ؟

توجيهه : (بتريقه) الحكايه مش بالحلاوة .. يانور عيني
الشيخ جمعه : (للمأذون ! اكتشفت اليوم ان الجامع مهدد
بالانهيار

الشيخ عمر : فعلا .. هذا هو الواقع .
الشيخ جمعه : لماذا لانهدد ونبنيه من جديد ؟
حاج على : ياسلام يا حاج أحمد .. كان نفسى آخذ حطة وإبنيا ..
وأاجر حطة وأزرعها

الشيخ عمر : (للشيخ جمعه) يكفيه بعض الترميمات
الشيخ جمعه : لا .. لا .. هو لابد أن يكون جامعا بمعنى الكلمة
حاج أحمد : (لزميله) فكرتنى .. كان نفسى أجوز إبنى وأنا طيب
.. وإبنى له بيت بالرخام .. واخطب له بنت اكبر غنى فى
الناحية دى

بديعه : نكن قوليلى .. انتى فاكرانى استعنى مسعد فى
شبنبى ؟

توحيدده : (بتريقه) حوشى حوشى .. احسن دا جاى بيترمى تحت
العتب

عزاد : (يزفر) كل شىء دلوقت بتخاف عليه

رجب : بس احنا ناسيين حاجة يااسيادنا .. ايه فى الدنيا عاد
بتخاف عليه ؟

الحكيم : (فجأة بعد تفكير طويل متوتر) لؤلؤة الدنيا .. لؤلؤة
الدنيا ..

الخادم : تصور ياسيدى ..

(واحد عجوز يتقدم من الحكيم رافعا اصبعه فى استئذان
وتبجيل .)

العجوز : من فضل سعادتك ياحكيم .. اسال سؤال واحد

الحكيم : (بضيق) اسال وخلصنى .

العجوز : افدرش ارجع شبابى م الاول ؟

الحكيم : (مشوحا) تعمل به ايه .. ياشيخ انكشع .. غور

العجوز : (سستدير عائدا كطفل نهره رجل كبير ، ويجلس فى
مكانه)

بديعه : (لخضره) انتى النهارده دمك ثقيل .. ثقيل خالص

الخادم : (للحكيم) اصبح فى ايده يشترى اربع مدن .. ويفيض

توحيدده : انا قصدى اقولك ياغبيطه .. ان مسعد .. قصدى
مراته .. فى نظره زى اللؤلؤة .

المعجوز : (ينهض متوترا ويذهب الى الحكيم مرة أخرى) يا حكيم
قولي .. نفسى أرجع شبابى .. الحل ايه دلوقت ؟

المتسول الاول : (وقد انتهوا من التشاور) نروح له احنا
الاربعة

المتسول الثانى : لا .. كل واحد لوحده

المتسول الثالث : لا .. كل نوبه يروح له اتنين

المتسول الرابع : نروح له احنا الاربعة الاول .. وبعدها بأيام ..
نروح له واحد بعد واحد .

الشيخ عصر : يخيل الى اننى ساذب لمقابلة مسعد اليوم
بديعه : بقى انتى متصوره برضه ان انا ناوية احب مسعد ؟
توجيهه : يابديعه .. يابديعه .. خلى عندك نظر وخلاص

الشيخ جمعه : لماذا ؟

الشيخ عصر : لماذا ماذا ؟

الشيخ جمعه : لماذا تذهب اليه ؟ .. امن اجل مشروع الجامع ؟

الشيخ عصر : لا .. ان لى معه حساب قديم .

الشيخ جمعه : منذ متى ؟

الشيخ عصر : كنت قد عقدت له قرانه على زوجته صابرين ، ولم
ادقق معه فى الاتعاب ، لكننى نوهت له بما لى فى ذمته .

الشيخ جمعه : (يزوم)

حاج احمد : (يزفر) هيه .. دنيا

حاج على : فونيا ..

المعجوز : (يجرى مندفعاً نحو الحكيم) يا حكيم .. انا فى عرضك
.. نفسى أرجع شبابى

الحكيم : من التوتر ينقض على زجاجة كانه سيهم بالقائها في وجهه) ..

المجوز : (يتراجع مدعوراً ثم ينحط في مطرحه) طب ..

الحكيم : (للخادم) اوصف لى مين هو الجدع ده .. صاحب اللؤلؤة ..

الخادم : فاكسر سيادتك .. الراجل الصياد .. اللى جالك النهارده الصبح .. عشان يعالج ابنه من قرصة العقرب ؟

الحكيم : (مندفعاً) عرفته .. دا أحسن زبون عندى .. وأنا .. باعالج ابنه من قرصة العقرب .

المتسول الرابع : على فكرة ... الراجل السعيد ماياخدش باله من الوجوه .. يبقى مشغول بالفرح .. وعينه .. مش فاضيه تتحقق من اللى قدامها .

المتسول الثانى : على فكرة برضه .. الفقير لما يتغنى فجأة .. يدى من غير حساب

المتسول الثالث : ايه راىكم لو فكرنا فى مشروع ؟ .. مشروع تجارى ظريف ؟

الحكيم : (ناظراً فى ساعته بتوتر) انا لازم أسافر باريس .. لازم أسافر

بديمه : (تنهض) أنا رايحه مشوار لحد العشش

توحيده : آجى معاكى ؟

بديمه : وليه تمطلى نفسك ؟

توحيده : لا خدينى معاكى (تدفعها) يلا يلا (تنصرفان)

حاج احمد : كان نفسى اجوز اننى وانا طيب .. احسن بنت فى
الناحية .. وابنى له قصر من الرخام .. واعوض صبرنا
كله .

المجوز ؟ : (يندفع فجأة نحو الحكيم صائحا بالم حقيقى)
ياحكيم ..

الحكيم : (صارخا بعنف) اخرس يا حيوان
المسول الاول : نفكر الاول فى سهرة .. سهرة حامية

الشيخ جمعه : مناسبة جميلة فى رأى

الشيخ عصر : أية مناسبة تقصد ؟

الشيخ جمعه : أن آتى معك الى الاستاذ «مسعد»

المسول الرابع ؟ : (لزملائه بعد تفكير) أنا موافق .

الشيخ جمعه : .. اطالبه انا الآخر بالمعلوم .. انه منذ سنوات
وسنوات لم يدفع شيئا للمساهمة فى خدمة الجامع ..
ولابد أن يكون للجامع فى ذمته مبلغ كبير .

الشيخ عصر : فعلا ..

المسولون الثلاثة : خلاص .. بلا بينا (ينطلقون فى غوغائية
وسوقية)

الشيخ عصر ؟ : بلا بينا . (ينهض ويأخذ الشيخ جمعه من ذراعه
وينصرفان)

الحكيم : (ينهض متوترا - للخادم) قوم يا ولد .. قوم وربنى بيت
الزبون

، ينهض الخادم مسرعا ويمضيان)

رجب : (يخطط بقبضته على الترابيزة) انا قلت الحكاية عايزة
نظر

عواد : (ينهض) اهو انت كلك نظر .. قوم .. قوموا يا اخوانا

الشبان : (ينهضون) تعالوا نتفرج (ينصرفون)

الجرسون : على فين يا اسيادنا ؟

الشبان : يم عشش الصيادين

الجرسون : والحساب ؟

رجب : اصمئن .. حتاخذ حسابك .. قديم وجديد (يلحق
بزملائه)

الجرسون : (مشوحا خلفهم) نقولش هما اللى وجدوا اللؤلؤة ؟

١ . حتى تجارة اللؤلؤ .. حجرة للمتعهد الكبير ، ملحق بها
حجرة اجتماعات .

(المتعهد الكبير يدخل حجرته متوترا . يضبط على زر
الجرس . يدخل السكرتير)

المتعهد ؟ (بلهجة خطيرة) كل عملاء المكاتب موجودين ؟
السكرتير . موجودين
المتعهد : انده لهم

السكرتير : (يذهب الى الباب وينادى) اتفضلوا
(يدخل خمسة من العملاء . يتخذون مواقعهم على ترابيزة
الاجتماعات . المتعهد لا يابه بهم ، ويظل على مكتبه ، ثم
يتناول سماعة التليفون ويدير القرص)
غزال : (يفرك يديه) انا ايدى بتاكلنى

الغوال : لازم حتقبض

الجوال : دا شيء بديهي .. كلنا ايدينا بتاكلنا

الطبال : يعني رح نقبض «جماعة» ؟ (ضحكات)

الحبال : (هامسا) حنقبض ايه يا حصره

المتعهد : (في التليفون) آلو ... أهلا وسهلا .. ازيك يا قمرورة

غزال : (هامسا بغمزة)! لا حنقبض .. بس (مشيرا الى المتعهد)
نقبض ونلدى

المتعهد : (في التليفون) طب وماله ..

الغوال : (بضيق) امتي يجي اليوم الى اقبض فيه لنفسى ؟

المتعهد : (في التليفون) لا بلاش الفكرة دى ..

الجوال : (هامسا) معقول حييجي اليوم ده ؟ ..

المتعهد : (في التليفون - بشدة) لا لا مش ممكن أبدا

الجوال : معيش الذ من انك تفاصل وتشترى .. وانت حاسس
ان فيه مكسب راجع لك .

المتعهد : (في التليفون - برقة) ماهو كله ليكى يا حبيبتي

الطبال : على كل حال ماداييم آلا الستر

المتعهد : (في التليفون) والله ماحد في حياتي غيرك .

الحبال : مفيش واحد بيفضل على العرش طول العمر

غزال : بالظبط .. كل واحد ياخذ له يومين ويتوكل

المتعهد : (في التليفون) افهميني بس .. أنا محتاج لمبلغ كبير جدا

.. استلفى طبعا .. آهو أبوكى أخوكى خالك عمك ..

كلكم بسم الله ماشاء الله مليونين .

الغزال : على فكرة .. ما كندبش عليكم .. انا بافكر استقل بنفسى ..
افتح لى مكتب صغير ولو براسمال بسيط

غزال : (ساخرا) وتانى يوم تقفله
المتعهد : (فى التليفون) فعلا .. فعلا . فعلا . معاكى فى
ده كله

الغزال : وابه اللى حيقفله بقى ياسيد غزال ؟
غزال : (ساخرا) هىء .. قل له ياغوال
الغزال : انا مالى ياعم .. قول له انت ياطبال
الطبال : لا .. ؟ .. عليك وعلى الحبال .. قول له يا حبال
الحبالى : (مشيرا الى المتعهد) .. هو اللى حيقول له .
الجميع : (يهزون ايديهم كأنهم لسموا بالنار) يانهار اسود ..

المتعهد : (فى التليفون) والله انتى حرة بقه .. ما قدرش اتحرك
من هنا لحظة واحدة .. طبعا .. انتى تعرفى لو ضاعت
اللؤلؤة دى منى يحصل ايه ؟ .. ياريت .. ياريت ..
مايكفينش الاعتزال .. (ضحكة مرحة قصيرة) انتحار كامل
.. وفورا .. طبعا .. آمال احنا ايه ... بنلعب ؟ ..
حافرك .. اوكى .. مع السلامه (يضع السماعة . ويترك
المكتب ويتجه الى ترابيزة الاجتماعات فى زهو وخيلاء مشعلا
الباب) ايوه يا جماعه (يطس فى الصدارة) طبعا ..
عرفتوا ليه الاجتماع المفاجىء ده .

الجميع : طبعا ..

المتعهد : حلو .. سؤال .. تعرفوش اللؤلؤة أخبارها ايه ؟

غزال : ماوصلتش

الغوال : لسه ماجاتلناش

الجوال : داحنا على نار والله

المتعهد : المهم . عايزين نوضع لها تقدير

الطبال : (مندهشا) داحنا لسه ماشغنناش

المتعهد : لكن سمعت عنها

الجوال : اهم بيقلوا انها تملأ كف الاید

المتعهد : یعنی قد البرتقانه ؟

الحبال : لؤلؤة الدنيا يا فندم .. یعنی ممكن تبني دولة .. وتعمل

جيش وميزانيه .. وتفتح مدارس وتفتح مصانع وتعمل
وتعمل ..

المتعهد : (بتحفز شيطاني) فتحوا عنكم كويس .

غزال : ودي عايزه تنبيه يا فندم ؟

المتعهد : نسيتم صياد الآلىء بتاع زمان ؟

الجميع : ايه .. هو ده يتنسى ؟

المتعهد : كل ما افكره .. افقد ثقتي فيكم .

الجوال : ليه يا فندم .. احنا يومها ماغلطناش .. قمنا بالواجب
واكثر

المتعهد : بس النتيجة كانت ايه ؟

الطبال : جعل ايه .. مادام صاحبها راج متبرع بيها للكنيسة

المتعهد : (بطرقه على المكتب) یعنی طارت من ايدينا .. ثروة

طارت من ايدينا

الحبال : الا دى .. مش ممكن تطير

التمهيد : على كل حال .. عايز انبه عليكم من جديد .. احب افكركم بان التاجر الناجح ..

الجميع : (كأنهم يرددون نصا محفوظا) اللى ينزل بتقله ع الزبون .. يحطم كل اعصابه .

التمهيد : (بابتسامة تهكم) مش بس ده .. التاجر الناجح هو اللى فى النهايه .. يحتفظ بالزبون .. مايسبوش يفلت من بين ايديه ..

غزال : حيفات ازاي .. وان فلت حيرج لمين ؟ .. ماهو لازم يفع فى ايد واحد مننا .. ودكاكين الحى كله .. فى النهايه دكانك

التمهيد : على كل حال .. انا بنفسى حانزل معاكم .. حاقصد فى دكان زيكم .. مقدرش اسيبكم لوحدكم .. انا موهوب .. وقع القمر جوهره فى ايد واحد من البلد .. محدش فيها عارف ان الجوهره يعنى القمر .. انا الوحيد اللى افهم قيمتها .. والقمر - يعنى الجوهره - مش للغبى ، مش للى زانق عقله فى الضلمه .. القمر .. للى يفهم قيمته يا حضرات .. للى يعرف يعنى ايه فى ايديه قمر ، مش بس يعرف انه ماسك قمر .. وماتنسوش : اللى حيمسكنى القمر ، حانور دنيته ، وارفع رقبته ، واخذه جنبى واثبتته .. واديله حته من القمر .

غزال : وان طلع القمر غالى .. قد ماهو عالى .. نجيب منين تمن القمر ؟

التمهيد : (كأنه يقرر بديهية) ما احنا ما بنشتريش القمر .. ولانفصلوش .. احنا فى الواقع بندى سعر اللى شايل على

كتافه القمر .. اذا شفته داخل عليك .. اوعى يفرك انه
سابل على كتافه القمر .. شوفه هوه نفسه ، يسوى فى
نظرك كام ، وتنسى انك شفت بعينك القمر . السعر سعر
الزبون . بعد كام ساعه .. حيجيكم الصياد .. حيشش
اول محل .. عظيم .. كلكم تعرفوا قسم البوليس .. كلكم
تقدروا تتصوروا واحد حرامى ، ضبطه عسكرى الداورية
يفتش باب دكان .. قبض عليه .. ودخله قسم البوليس ..
تقدروا تتصوروه وهو خارج للنيابة ؟ .. تقدروا تتخللوا
منظره ، كانه مضروب فى أخرج حته فى جسمه ، متهان
ومش آستان ، وزى الخرقة داخل تانى للتحقيق ... أنا
القاضى .. أنا آخر مرحلة .. أنا اللى حاستلمه جاهز ،
مكسر ، مفسخ ، طايب على ناركم الهاديه ... أنا الاكيل
وانتوا الطباخين والسفرجية (يسن سكاكين وهميه فى
الهواء ويتلمظ كانه يستعد للانقضاء على وليمه) .. هم .
م . بلا انصراف .. لمخظه واحده . (برشاقة وزهو)
دخنوا .. روقوا المزاج .. عشان تطبخوا كويس .

الاغنية : سكرجى يانار ودفينى نورى قدامك وشوفينى
اولدى خلفى اوعى تصيى
واوتك تنطقى احسن دا البحر مطفينى
سكرجى يانار ودفينى
اقعدى ربعى وسطنا ولعى
وابقى ادلعى بس اما لهيبك يعافينى
سكرجى يانار ودفينى
واعبلى معروف سخنى لكفوف
الا انا مشغوف ان انتى تقومى تلفينى
سكرجى يانار ودفينى
وما تتعبنيش ما تصلعنيش
دا الجهد مفيش ونا حملى تقيل ومصفينى
سكرجى يانار ودفينى

النفس اقل تعب وانذل
واحسن حل بلاش النفخ وتعفينى

سكرجى يانار ودفينى

اعملى معروف دانا طول اليوم
داير بانفخ والى جوايه مكفينى

سكرجى يانار ودفينى

(تنسحب الموسيقى الى الخلفية)

مسعد : لسه قاعدين برضه يا حماده ؟

حماده : مانتاش شايف ؟ .. مش عايزين يروحوا . (وينهض ويمشى خارج الكوخ)

(تدب الحياة فجأة فى الكتلة الصخرية ، تنبعث صيحات كهدير الطائرات)

الجميع : ورنى يامسعد .. ورنى يامسعد ..

(ويحدث زئيط فظيع .. صراخ اطفال - تضارب - شد وجذب وتشابك بالابدى وقفز) .

اصواتهم : ورنى والنبى .. اشوفها والنبى .. اشوفها بس

حماده : (يلدع . يستدير ويسحب خيزرانة طويلة ويرفعها متحرشا صائحا) ماتركز يا جدد انت وهوه

مسعد : (ينهض) ماتضربش حد يا حماده . اقمعدوا يا اسيدانا .. مش كده ..

الناس : (فى هدير) وريها لنا والنبى يامسعد .. الهى يعممر بيتك ..

مسعد : يا سيادنا هو انا حافرج مين ولا مين ؟ .. قدامى تلتमित
الف واحد عايزين يمسكوها ف ايديهم ويتفرجوا

حماده : (صائحاً) لا .. مفيش حد يمسكها ف ايديه .. يمسكها
ف ايده ليه ؟ .. الى عايز يتفرج يتفرج وهى ف ايدك
كدهه .

ام الخير : (تنهض قادمة نحوهما) ايوه .. محدش يلمسها
بايديه .. هى لعبه ؟ .. ولا لعبه ؟

الناس : (فى هدير ملثاث) زى بعضه .. زى بعضه

مسعد : (يعطى الناس ظهره ، ويدب يده فى جيب داخل احشايها
صدره ويخرجها) آهى .. آدى اللؤلؤة ..

ام الخير : (كالمجنونة) يا صلاة النبى .. يا صلاة النبى .. القمر
ياولاد .. النبى قلبها ف ايدك شويه كمان .. كمان ..
كمان ياسى مسعد ..

(اللفظ يرتفع ، يزداد . زغاريد تنطلق فى حماس وترفرف
كالطيور فوق الرعوس !! صغير)

الناس : (فى هدير مروع) اتدير يامسعد .. اتدير يامسعد ..
عايزين نشوفها .

(اللفظ يزداد ارتفاعاً وصخباً - صغير . زغاريد . صياح
صراخ اطفال . بكاء . كل ذلك فى آن واحد) .

الناس : (فى نبرات متباينة) اوعدنا يارب .

— اوعدنا يارب ..

— الله اكبر .. الله اكبر

— یا سلام علی قدرتك وعظمتك .
— یاخی ازای ده بس ؟
— معقول الفنی دی کله ینزل علی واحد بس .. کده مره
واحدہ ؟

ام الخیر : واللہ صبرتی ونلتی یا صابرین یا مرات سلفی
حمادہ : سارح فی ایہ یا مسعد یاخویہ ؟
ام الخیر : وانتی یا صابرین مغطیہ وشک کده لیہ ؟ .. مکسوفہ
م الفنی یاختی

صابرین : (تفتی وجهها اکثر وتکاد تتلاشی) ایوہ .. مکسوفہ
حمادہ : انت ماشبعتش فرجه علیها ولا ایہ ؟
مسعد : أبدا یا حمادہ .. أصلها ملیانہ حاجات
حمادہ : آییہ .. فیها ایہ ؟
مسعد : حاجات مالهاش عدد .. دنیا بحالها .
ام الخیر : یوہ .. ماتخبیها بقی یاخویہ بلاش الزفہ دی .
حمادہ : ایوہ صح .. اصول تخبیها بقی
الناس : (فی هدیر متصاعد) لا خلیها .. خلیها .. لسه
ماتفرجنش

حمادہ : عجایب یاولاد .. دا حتی ضیها مزغلل عین الواحد
مسعد : یمکن عینیک ماهش شایفه الی انا شایفه .. انا مش
ملاحق أشوف مناظر جواها ..
ام الخیر : یا حلاوه یاختی .. زی السفیره عزیزه کده یاسی
مسعد ؟

حماده : اسكتى اسكتى ماتخطر فيش .. شايف ايه يامسعد ؟
مسعد : شايف صابرين مراتى .. وابنى .. وانا ..
حماده : (تلهفة) بتعملوا ايه ؟
مسعد : بنتجوز !
صابرين : (تضحك فى خجل)
حماده وام الخير : تتجوزوا ؟
مسعد : طبعا .. نتجوز من اول وجديد . جوازنا بيتم النهارده
ام الخير : طبعا .. يتجوزوا لما بقت عندهم المقدره
صابرين : و .. و .. وشايفنى شكلى ايه يامسعد ؟
مسعد : عروسه ولا كل العرايس . لابسه فستان بالقصب .
 لابسه الذهب من فوق لتحت .
ام الخير : يا صلاة النبى يا صلاة النبى .. اوعدنا يارب
حماده : (مبهوفا) وشايف ايه كمان يامسعد ؟
مسعد : شايف نفسى .. عريس محترم . لابس ملابس بيضا
 وجديده .. وجزمه برباط (مفتبطا) وابنى راخر .. ايه
 .. راجل كبير .. عليه القيمه والهيبه .. لابس لبس بحار
 .. لكنه ظابط ..
ام الخير : ناحلاوة يا اختى .. منتاش شايفنى ياسى مسعد ؟
حماده : يا وليه اسكتى ماتخطر فيش
ام الخير : يا اخويا اسكت انت
حماده : (يلكرها) ضرورى شايفك طبعا .. او لسه حيشوفك
 .. مش كده برضه يامسعد يا اخويه ؟ .. مش كده انت
 حشوفنا كلنا فى اللؤلؤة ؟

مسعد : (شاردا) ياسلام .. كل شيء في اللؤلؤة (ترتفع موسيقى
اغنية اللؤلؤة في الخلفية) ياسلام .. كل ما ألفها في ايدى
.. على سطحها بتيجى الحاجات

حماده : (ملهونا) المهم احنا ظهروا ولا لسه ؟

مسعد : انا لسه واقف ايه .. بس على ناصيه تانيه .. المره دى
.. ماسك بندقيه .. بندقيه حلوه محترمه .. طبعا ..
ضرورى م البندقيه

ام الخير : (نبرة حقد) وبندقيه كمان ؟

مسعد : (هاتفا) ابنى ايه .. قاعد على تخته فى المدرسه . واهه
تانى .. بينبس بدلته .. حاطط حوالين رقبته ياقه بيضا
ناشفه ، وكرافته حرير عريضه .. الله .. دا بيكتب ، على
صفحة ورق كبيره (ينهض فجأة مندفعاً نحو الناس ثم
متوقفاً وقفة واحدة) شايفين . سامعين . يكون فى علمكم
.. ابنى خلاص .. حيدخل المدرسه .

صابرين : (فى ابتهاج) يارب .. يارب .. ابعد عننا ولاد الحرام
يارب .

مسعد : (هاتفا) ابنى حىقلب فى صفحات الكتب .. حيقرا ..
حيكتب .. حيتعلم ازاي الحساب .. حيحسب .. حيعرف
.. ولما يعرف .. احنا كمان .. نعرف .. واذا عرفنا ..
بقينا احرار .

حماده : (ملهونا) يااخى ماتبص فى اللؤلؤة .

مسعد : ماهى كل حاجه باينه للاعلى . ايه . حتى شوف ..
آدى ابنى ماسك كتاب وقاعد يقرا فيه جنبى . وانا واهه
قاعدين نتدفا بيه !

(يرتفع اللفظ .. صياح . صراخ اطفال . زغاريد)

اناس : (في نعم متباين) والله صبرت وثلت يا مسعد .
— يادى الهنا الى جالك يا صابرين

طفل : (لزميله) وله .. وله .. هو احنا حنبقى نشوف ابن مسعد لما يلبس البدله ويروح المدرسه ؟

طفل : ياخاب ياخاب .. هما الى يلبسوا البدل بيغسلوا هنا في المشش ؟

طفل : انما حنشوفه .. دابن حتتنا .

طفل : والله ما احنا شايفينه (يتشابك الاطفال)

حماده : (يصيح فيهم بحده) ابعدوا يا عيال .. بطلوا غلبه .

مسعد : ولما النار تانى يا صابرين .. مادام مش عايزين يروحوا

ام الخير : لا والنبي .. اوعك تقومى .. انتى تعبانه . انا الى حاول .

صابرين : خليكى مرتاحه . (تقوم وتشعل النار)

(أغنية اللهب — لبرهة)

واحد : (يقف صائحا فى الناس) اظن من الواجب نروح بقى ... ولا ايه ياجماعه ؟

اصوات : (بلا حماس) ايوه واجب .. الناس خلاص عايزين ينامو

الواحد : طب بلا بينا . احنا روخرين عايزين ننام .. ولانتعشى

اصوات : ايوه فعلا .. بلا بينا .. هو احنا ايه .. مالناش بيوت ؟

الواحد : (بضيق) متيلا امال .. مش حتمشوا ؟

الاصوات كلها : ماتيل يااسيادنا .. ماتروحوا بقى .

الواحد : عجائب .. يااسيادنا اتحركوا .. قوموا بقى نروح .

الناس كلهم : (فى نفس واحد) عجائب .. يااسيادنا اتحركوا .. قوموا بقى نروح .. لكنهم لايتحركون - كالاصنام)

الواحد : (بنظر اليهم برهة ثم ينفجر ضاحكا) : وأدى قعدة (يجلس)

واحد آخر : ياأخى دى العقده لسه حتطو (وتتوالى الاصوات)

— خلينا متونسين بمسعد حبه

— يمكن محدش يشوفه بعد النهارده

— الشيخ جمعه وصل

— ومعه المأذون

— عال عال .. دى حتطو قوى قوى

(الشيخ جمعه والشيخ عصر ، يخترقان الصفوف بكل صعوبة وعذاب ، ويتكبلان وينهضان عدة مرات حتى يتلقفهما حمادة ويضعهما فى الكوخ واحدا بعد الآخر)

مسعد : (ينهض للملاقاة صائحا) والمأذون ؟

الشيخ جمعه : (كأنه يحدث أطفالا) : السلام عليكم

الكل : وعليكم السلام ورحمة الله وبركاته

مسعد : اهلا بسيدنا الشيخ .. شرفت يامولانا

الشيخان : اهلا وسهلا

سعد : اتفضلوا اقعدوا . وسعوا شويه يااسيادنا

الشيخ جمعه : (يتفاقل عن الجلوس) مسعد .. اتضح يابنى انك من نسل عظيم جدا ، وأن اسمك له صلة وثيقة بيلة

القدر حينما شرعها الله خيرا لعباده الصالحين .. اظنك ،
ماتعرفنش هذا ؟

مسعد : لا والله مااعرفش هذا ياسيدنا الشيخ

الشيخ جمعه : بالحق يامسعد هذا مثبت في الكتب .
(موسيقى أغنية « يا عروق الدم » تظن تظن)

مسعد : (واللحن يهدر في أعماقه) سامعين ياجمعه ؟

الناس : سيدنا الشيخ مايكذبش ..

الشيخ عصر : صحيح يامسعد . صحيح بالفعل

مسعد : لؤاخذه ما اقعدهش (ضحكة ارتباك) الشاى بسرعة
يا صابرين .

الشيخ جمعه : جزاك الله كل خير يا ولدى .. لاداعى للتعب .
اجلس يامدام صابرين فانا لست غريبا .

مسعد : البيت بيتك ياسيدنا الشيخ

الشيخ جمعه : نما الى علمى انك عثرت على ثروة عظيمة .. على
لؤلؤة عظيمة .

مسعد : (يخرجها من صدره) آهى ياسيدنا الشيخ

الشيخ جمعه : (يشفق مذهولا) يا حفيظ . يا ستار . يا كريم .
جل جلالك .. آمل - يا بنى العزيز - الا تنس أن تشكر الله
الذى منحك هذا الكنز .. وأن تصلى سائلا إياه أن يهديك
الطريق فى مستقبل أيامك .

مسعد : (بايماء) طبعا .. دا لازم

صابرين : (بلهجة ذات معنى) حنعمل ياسيدنا الشيخ .. حنعمل

مسعد : (ناظرا للماذون) وحتنجز كمان دلوقت

الشيخ عصر : (صانحا) شيء جميل .. جميل جدا

الشيخ جمعه : بارككم الله يا أولادى .. (ينهض) هيا بنا يامولانا

الشيخ عصر : هيا (ثم همسا) الى اين ؟

الشيخ جمعه : الى اماكننا الطبيعية .. أم ترانا نتشبه بال ...

الشيخ عصر : صدقت .. هيا بنا .. السلام عليكم .

الشيخ جمعه : وأنتم ياعباد الله .. اتقوا الله واذهبوا الى بيوتكم

.. خلوا في عيوتكم نظر .. الرجل يريد أن يستريح مع زوجته

وعياله .. (مشوحا) هيا .. انكشوا .. لاتغضبوا الله .

الناس : (يتسللوا جماعات جماعات وفي بطء وتردد)

(أغنية الشر تعود .. تستمر برهة . أغنية اللؤلؤة تحاول

أن تجد لنفسها مكانا ولكن أغنية الشر تطفئ وتسيطر لفترة

غير وجيزة ثم تنسحب الى الخلفية)

يخلو الجو من الجميع الا من مسعد وزوجته - وأغنية الشر

داخل الكوخ . السنة النار في الموقد تطرقع وترتفع وطنين

أغنية الشر يكاد يعصف برأس «مسعد» .. يدفن اللؤلؤة في

الأرض)

صابرين : (من داخل الكوخ) مسعد .. مسعد .

مسعد : (من خلال شروده) نعمين يا صابرين ؟

صابرين : بتعمل ايه وحلك ؟

مسعد : قاعد شويه (صوت رياح وعواصف)

صابرين : عمرك ماتزهق من القعدة وحلك ؟ (تقترب منه) سرحان

في ايه ؟ .. الامانه معاك ؟

١

مسعد : في ايديه اهه . (الريح) (يرتعد)

صابرين : مسعد .. مالك يامسعد ؟

مسعد : (بارتماشة داخلية ذات وقع رهيب) صابرين .. الليل وحش . صابرين .. الدنيا برد .. الدنيا عريانه .. الدنيا زى الخليج وافظع .. غابة ملفوفة بملاية القمر ، وملاية القمر وسخه بقى لها سنين ، ولا مية الخليج بحاله تقدر تنضفها . انا وحدانى ياصابرين .. وحدانى .. والريح قوى .. اتسند على مين ؟ (صرير حشرات الليل)

مسعد : (منتبها) صابرين .. مين اللى جاين دول ؟ (شبجان يقتربان بخطوات متسللة)

صابرين : دا معاهم فانوس .. واحد افندى ..

مسعد : وواحد مننا .. عجائب .. دا الراجل اللى عند الحكيم (ايقاع أغنية الشر يزداد عنفا) دا الحكيم .. والناس وراه

الحكيم :! (داخلا) مساء الخير

مسعد : مساء النور

الحكيم : انا .. ماكنتش في بيتى لما انت جيت الصبح . ولما الراجل بتاعى قاللى .. انتهزت الفرصة دى .. وجيت اشوف ابنك ..

مسعد : تاولد بقى عال .. والحمد لله

الحكيم : (بابتسامة صفراء لا ياصاحبى .. احيانا قرصة العقرب تجيب نتائج غريبة .. يحصل تحسن ظاهرى .. وبعدين .. بف - اى انفجار) افتح الشنطه (الخادم يفتح له الحقيبة) واحيانا .. احيانا تكون النتيجة رجل مشلوله .

أو عين تتعمى .. أو ظهر يتكسر .. أنا عارف يعنى إيه
قرصة العقرب .. واعرّف ازاي أعالجها .. ورينى الولد
ياست (موسيقى أغنية الشر تدوى)

صابرين : (مترددة) ١ .. ١ أصله نايم

مسعد : وريه له يا صابرين

صابرين : (تحضر له الولد) أهه

الحكيم : نور

مسعد : أيوه .. ارفع الفانوس ياعم (الخادم يرفع الفانوس)

الحكيم : (يزوم بخبث) ده اللى توقعته .. السم تسلل للجسم
من جوه .. وحيضرب ضريته فى الحال .. تعال .. شوف
الجرح انزرق ازاي .

مسعد : (ينظر - ببلاهة) ياسلام (موسيقى أغنية الشر) بس
أنا مش شايف اذا كان فيه زراق ولا مفيش

الحكيم : حاديله حاجة توقف السم وترجعه تانى .. امسك
الولد فى ايدك

مسعد : (يمسك الولد بين يديه) آهه

الحكيم : (يفرغ من زجاجة بعض السائل) قرب الولد .. افتح
لى بقه (يضع السائل فى فم الطفل) بس .. خلاص ..
شيليه ياست

صابرين : خلاص عالجته ؟

الحكيم : مفعول السم حيسرى خلال الساعة دى .. والدوا جايز
ينقلده . لكن .. حاجيله تانى فى ظرف ساعة (يفلق حقيبته)
سلامو عليكم

مسعد : مع السلامة

(يمضى الحكيم والكورس خلفه حتى يختفون)

صابرين : (فى حدة) مسعد

مسعد : (ينهض ذاهبا اليها) ايه .. مالك .. زعلانه من ايه ؟

صابرين : شايف الولد ؟

مسعد : ماله ؟

صابرين : (مدعورة) وشه مخنوق .. خيوط الميه نازله من
حنكه

مسعد : (كالمطعون) اى .. عضلات معدته بدأت تتقلص ..

الولد مش نافع خلاص .. يعنى الحكيم كلامه صح (موسيقى

اغنية الشر تلاحقه) انا نفسى اعرف .. الحكيم حط ايه

للولد فى حنكه .. اما لو اعرف .. بس لو اعرف ..

صابرين : (تهز ركبته على نغم الايقاع مغنية بعشرات الاصوات
النسائية والرجالية اغنية الاسرة) :

حُضن البنانى يا حمام مالوش مثيل

ان غبت عنه بتلاقيه حلو ونبيل

افرش ونام على صدرها بنت الاصيل

خدها فى حضنك يا حمام واشبع هديل

ليلة غيابك يا حمام يسأل عليك

طول الليالى يا حمام سهرانه بيك

وان طال غيابك يا حمام تبعت اليك

حُضن البنانى

وماهش انانى

تطرح امانى

فى هوا البنانى

سهل البنانى

عين البنانى

شوق البنانى

يتخاف تطير لتروح بعيد ويهون عليك
وتقول حبيبي يا حمام ... علشان عينيك
صاحبي بناني

(تبتعد موسيقى هذه الاغنية ثم تتلاشى)

سمعد : (بللم) نفسي اعرف .. الحكيم حط ايه للولد ؟

صابرين : (تصرخ بأعلى صوتها)

سمعد : صابرين .

صابرين ؟ الولد بيموت (موسيقى أغنية الشر)

(يتوافد الكورس المؤلف من الصيادين وينضم اليه حماده
وام الخير وجميع الشخصيات التي تسكن العشش)

لكورس : ياخبر اسود .. تانى .. ماكان كويس فى اول
الليل .

— الهم زاد عليه—

— السم يظهر مش فى الجسم كله

— غريبه ... بقى يعنى مسعد .. ربنا يخلصه من عدوه
الاولانى .. ويشبكه فى العدو التانى ؟

— يعنى ياالفقر يا المرض ؟

— شوفوا حكمة ربنا

— الدنيا حالها كده .. الحظ مايجيش لوحده ابدا

— لازم يجيب معاه اصدقاءه

— يقولوا ان الحكيم كان عنده من ساعه

— يا ترى ايه اللى عمله الحكيم ؟

الكورس : (دفعة واحدة) تعالوا نسال نشوف ايه الحكاية (يتقدم نحو الكوخ ويتوقف عند الباب - بلهجة مأساوية) قوللنا يا صابرين .. حصل ايه للولد ؟

صابرين : تعبتوا ليه نفسكم ؟

الكورس : ذا اقل واجب علينا

مسعد : والله يارجاله ماني عارف اتكلم .. ايه اللي اقوله ؟ ..
الولد كان خلاص .. خف وصحا

الكورس : كل شيء بيد الله يامسعد .. ماتزلعلش .. وع العموم .
آدى الحكيم جالك .

الحكيم : (مقبلا) هيه .. ايه اللي حصل .. ورينى الولد
ياست

صابرين : (تعطيه الولد) آهه .

الحكيم : (يهز راسه اسفا) السم .. السم خلاص مشى فى
الدم

صابرين : (تصرخ)

مسعد : (لاهثا) ايه ؟

الحكيم : متخافوش .. حاقدر اتغلب عليه .. حابدل كل ماعندى
ادونى حبة ميه فى فنجال ..

الكورس : (مناديا) ادوله حبة ميه فى فنجال . ميه فى فنجال .

ام الخير : (تذهب وتحضر المياه) الميه آهه .

الحكيم : (للخادم) النشادر . ياولد

الخادم : (يفتح الحقيبة ويستخرج النشادر) انفضل يابيه

الحكيم : (يذيب النوشادر في الماء) افتحوا بق الولد

ام الخير وصابرين : (تفتحان فم الولد)

الطفل : (يصدر صرخات متأللة)

الحكيم : من حسن حظ الولد ان انا عارف خطورة السم في

العقرب .. والا ... (يضع النوشادر في فم الطفل)

بالشفأ ان شاء الله .. الحمد لله ربنا قدرني وأنقذته

(يفلق الحقيبة) ودلوقتي .. شوف ياسيد مسعد .. الفاتورة

دى .. حتدفعها امتى ؟

مسعد : ان شاء الله بعد ما بيع اللؤلؤه حادف أجرتك كامله ..

الحكيم : (باهتمام) انت عندك لؤلؤه ؟ .. لؤلؤه عظيمه ؟

الكورس : دا اصطاد لؤلؤه الدنيا ... قد كده .. حشو الايد ..

مسعد : خلاص .. حبيقتي راجل غنى .. دى لؤلؤه محدش

شاف زيبها مدى الحياة

الحكيم : (يتظاهر بالدهشة) ياسلام .. ماكنتش اعرف ..

ويا ترى .. انت شايل اللؤلؤه دى في مكان أمين ؟ .. اذا

ماكانش كده ... انا ممكن أشيلها لك في خزنتى ..

(موسيقى اغنية الشر تطن كالانذار الخطير)

مسعد : لا .. اطمئن ... انا شايها في مكان أمين .. وان شاء الله

بكره حايعمها واديلك حسابك (عينه معلقة بالارض)

الحكيم : (يزوم بخبث) يبقى عار كبير لو اللؤلؤه دى انسقرت قبل

مابيعها .

الكورس : تبقى بلوى .. تبقى حسره ... خللى بالك .. شيلها من

الكان ده ..

حماده : ايوه شيلها من المكان ده .

مسعد : (سندهشا) انهو مكان .. انتو ايش عرفكوا بمكانها ؟

الكورس : (بخيت وسخرية) اييه ... ماهى باينه اهه .. دانت عينك لازقة فى الارض اللى مدفونة فيها .. دانت عينك فحنت الارض وطلعتها ... وآهى باينه فى عينيك اهه .

مسعد : (مخادعا) لا .. ماهش هنا .. دى ماهش فى الجبل خالص ... دى فى حته تانيه .. بعيده عن هنا ..

الكورس : بعيده ولا قريبه .. انت حر ..

الحكيم : طيب .. عن اذنكم

مسعد : بكرة باذن الله حاقابل سيادتك واحاسبك

الحكيم : مايجراش حاجه .. مايضرش .. بلا ياولد (يمشى)

الكورس : واحنا كمان نمشى ... تصبح على خير يامسعد (ينصرفون)

مسعد : وانتو من اهله (يرجع للكوخ)

(يخلو الجو . اصوات الليل تعود)

صابرين : (باعيا) عايزين ننام

مسعد : انا جاى اهه

صابرين : اقبله ! حتفضل قاعد كده جنب العمود .. لما كشفت الحكايه

(موسيقى اغنية الشر)

مسعد : هاتيلى الفاس

صابرين : ليه .. حتمل ايه ؟

مسعد : (بحزم) هاتيلي الفاس .

صابرين : (تحضر الفاس) الفاس ايه .

مسعد : (ياخذ الفاس ويفتح - ثم ياخذ اللؤلؤه) بس ..
حاطها ف جيبى احسن (يعطيها الفاس)

صابرين : زى بعضه

مسعد : (يتردد) ا .. ا .. اسمعى .. هاتيلي الفاس

صابرين : حتمل ايه تانى ؟

مسعد : (بحزم) هاتيلي الفاس

صابرين : الفاس ايه

مسعد : شيلي الحصريه .

صابرين : حتنام هنا ؟

مسعد : شيليه بس

صابرين : (ترفع الحصريه) اجيبها عندك ؟

مسعد : خليه وباكى .. وسعى جبه (يفتح مكان الحصريه -

يضع اللؤلؤه ويردم) اردمى معايه (تردم) بافرش الحصريه

فوقها (تفرش) يلا اقعدى (يجلسان) هه .. ممكن انا

دلوقت .. ولعى النار

صابرين : (وهى تنفخ فى النار) انت خايف من مين يامسعد ؟

مسعد : (شاردا) خايف من .. من الناس كلهم

صابرين : بس نام .. ماتشيلش هم .. هه .. يلا نام

مسعد : هه (ينام) بسم الله الرحمن الرحيم (موسيقى اغنية الشر

تطن بالحاح - ينهض مسعد جالسا)

صابرين : ماتنام يامسعد

مسعد : مش عارف ودانى مالها

صابرين : (تجلس) والنبي وانا روخره .. ودانى ماعرفش مالها

مسعد : (يعتدل فى ضجر) طيب .. طيب يادنيا (موسيقى أغنية الشر)

صابرين : النار بقت رماد .. اولعها تانى ؟

مسعد : ايوه ... ولا أقولك ... بلاش .

صابرين : مش عارفه مالك .. سرحان فى ايه ؟

مسعد : عينيه غفلت من دقيقة . شفت خير .. : ابنى قاعد بيقرا فى الكتاب .. والكتاب كبير .. قد بيت .. والحروف قد الكلاب .. والكلام .. عمال بيتنطط ويرقص على الصفحة . ومادرى الا والضلمة عماله تزحف .. وتزحف الصفحة غطست .. وصوت مزىكة وحشه (موسيقى الشر تطن) بترن بترن بترن (يعلو طنين الموسيقى على صوته المرتفع) .

صابرين : اللهم اجعله خير (تكف جميع الاصوات)

(فجأة .. بتسلل صوت اقدام وانفاس مضطربه)

مسعد : (يهمس مرتعدا) سامعه ؟

صابرين : (فى همس) ايوه سامعه ..

مسعد : (بفحيح) شبح اسود أهه .. جنب العمود ... بيكتم فى نفسه

صابرين : (محذرة) اسكت .. اسمع ..

مسعد : (هامسا بحزم) ادينى سكينتى

صابرين : تسحبها له من المخده) اهه .

مسعد : (يقفل كالقطن الفاضب صارخا) خد ياكلب .. خد ..

(طعن وضرب وتمزيق . عيار نارى مسعد يقع على الارض

صائحا) آى .. دماغى (سكوت)

صابرين : (برعب) مسعد .. مسعد

مسعد : (باعيا) الدم غرق جبهتى .. دم دافى (تجتاحه برودة

سريعة) انا .. انا كويس .. متخافيش .. الشبح اختفى

.. (يزحف على بطنه) حاروح انا .

كصابرين : هات اينك ياخويه . (تساعده)

(يعودان الى وسط الكوخ)

مسعد : ولسلى النار تدفينى

صابرين : لحظة واحدة (تمسك طرف جلبابها) هات امسح لك

الدم عن جبهتك

مسعد : لا بلاش .. مفيش حاجه ..

صابرين : احط الشمعة جنبك ؟

مسعد : حطها جنب النار

صابرين : (تضع الشمعه على جنب النار وتنفخ فى النار)

(موسيقى أغنية الشر)

صابرين : (فجأة تنفجر بغضب) دى لؤلؤة مشثومه (الموسيقى

الشر) دى ذنب (الموسيقى) كارثة .. مكتوب (الموسيقى)

حتقضى علينا وتودينا ف داهيه (الموسيقى تعنف - صابرين

تصرخ بحدّة) ارميها يامسعد بعيد عنا .. و .. دشدشها
بالحجرة .. ادفنها وانسى مكانها .. رجّعها للبحر تانى ..
دى جابت لنا الشر فى رجليها .. مسعد ... جيبى ..
حتودينا ف داهيه وتقضى علينا .

مسعد : (باصرار حاد) دى فرصتنا .. ابنى لازم يروح المدرسة
.. لابد يتخلص من المعون اللى اتخلقنا لقينا نفسنا محبوسين
جواه .

صابرين : (صارخة) دى حتقضى علينا كلنا .. حتى على
ابننا

مسعد : اسكتى .. بطلى كلام .. الصبح حنبيع اللؤلؤه ..
وبمجرد ما حنبيعها .. الشر يبعد عنا على طول ..
وما يفضلش غير الخير .. ردلوقتى ... اسكتى احسن

صابرين : (تنهد بحرارة) شوف يامسعد .. لسه ماسك فى
ايدك السكين ؟

مسعد : (متذكرا) ياه .. ايوه صحيح .. معلش .. مايضرش ..
(صياح الدبكة يرتفع ويتجاوب)

صابرين : طلع النهار

مسعد : ! واللؤلؤه ف ايدى . صباح الخير يا صباح الخير

(على انغام موسيقى اللؤلؤه يشرق الصباح بالتدرج)

مسعد : صباح الخير يا صابرين

صابرين : (مبتسمة فى رضاء وسعادة) صباح النور يامسعد

(اغنية اللؤلؤه لبرهة ثم تنسحب)

(الوقت بعد الفجر بقليل)

(أم الخير قادمة من الحارة وهي تجرى)

حمادة : (يجرى وراءها) استنى يام الخير .. على مهلك
يام الخير .

أم الخير : راحت علينا نومه . زمانه نزل يبيع اللؤلؤه من غيرنا .

حمادة : ياولية داخنا لسه بدرى .. بلاش فضايح (يختفيان)

(رجل قادم من حارة - يصطدم به رجل آخر)

رجل ٢ : لمؤاخدة ..

رجل ١ : معلش (يندفع)

رجل ٢ : من فضلك لو سمحت .. بيت «مسعد» الصياد
منين ؟

رجل ١ : عايزه ليه ؟

- رجل ٢ : في الحقيقة مش عايزه هوه
 رجل ١ : امال عايز ايه بالظبط ؟
 رجل ٢ : قصدى .. اصل .. مش هوه حبييع اللؤلؤه النهارده ؟
 رجل ١ : يقولوا .
 رجل ٢ : (مسرعا) طب ورنى البيت والنبي قبل مايمشى .
 عشان اتفرج عليه وهو يبيعهها .
 رجل ١ : طب تعالى ورايا (يمضيان ويختفيان)
 فوج : (فادما) ازاي ياويله تسيبيني نايم لحد دلوقت ؟
 الزوجة : (بندم واسف وهى تهرول بجانبه) ربي اقطعنى ..
 راحت على نومه ..
 الزوج : طب آهو مسعد زمانه مشى .. والله لو لقيناه مشى لاقطع
 رقبتك
 الزوجة : يعنى كان لازم تلبس الجلابيه الكشمير والجزمه ؟
 الزوج : اننى عييطه ياويله .. مشوار زى ده أروحه من غير
 الجلابيه الكشمير والجزمه ؟
 الزوجة : ياريتنى جبت اللبس والجلابيه الحرير والشبشب
 (يختفيان)
 (رجل قادم من حارة أخرى وخلفه انه يجرى باكيا)
 الطفل : « بضاعة » والنبي يا ابا .. خدنى معاك يا ابا .
 الرجل : يا ابني حتروح فين بس .. تندس تحت الرجلين .
 الطفل : (باكيا بحرقة) ماليش دعوه .. لازم آجى معاك .

الرجل : (يجذبه بعنف) طب مد واسكت (يختفيان)

(فوق سطح احد الاكواخ)

ص الام : (من داخل الكوخ) بتعمل ايه عندك ياوله

الشاب : باشوفهم مشوا ولا لسه

ص الام : باواد انزل بقى خليك نروح لشفلك

الشاب : (بدهشة) شغل ؟ .. شغل ايه النهارده يامه ؟

ص الام : عجائب .. ماوراكش قارب مرمى ع الشط مستنى يشتغل ؟

الشاب : (بغيظ) انتى نايمه ولا ايه ؟ .. الصيادين كلهم واخدين اجازة النهارده

ص الام : ليه .. البحر هايج ولا ايه ؟

الشاب : دا البحر هايج من امبارح .

ص الام : استر يارب

الشاب : والنهارده بقى .. حنتفرج على مسعد وهو يبيع اللؤلؤ

الام : (وقد خرجت من الكوخ تجرى) صحيح والنبى .. طب حصلنى على هناك ياولد .

(فوق الكوبرى . « الشيخ جمعه » قادم يا هرول وخلفه

« الشيخ عصر » الماذون يهرول ايضا)

الشيخ عصر : هو الموكب حيمر من هنا ؟

الشيخ جمعه : الظاهر كده .. الناس من الفجر عماله تيجى من هنا

الشيخ عصر : ناوى تمشى فى الموكب ؟

الشيخ جمعه : من بعيد لبعيد كده

الشيخ عصر : لكن هما اتاخروا ليه كده

الشيخ جمعه : دا يظهر ان احنا اللي تأخرنا (يختفيان فى نفس الطريق)

(المسؤولون الاربعة يتدافعون الى الكوبرى)

المتسول الاول : طاعونى تعالوا نوصل لحد السرايات

المتسول الثانى : سرايات مين ياابنى .. والله اما اكون حاكسب
دهب

المتسول الثالث : سرايات ايه وبتاع ايه يا جدد .. سرايات فى يوم
زى ده ؟

المتسول الرابع : دا الموكب زمانه جاى .. ومسعد حبييب اللؤلؤه .

المتسول الاول : على راىكم .. يمكن مانشفوش بعد النهارده

المتسول الثانى : مشى يمكن .. ده اللي حيحصل بالظبط يا عبيط
(يختفون)

الحكيم : (قادمًا يلهث فوق الكوبرى مع خادمه) اوعى الموكب
يكون فات يا ولد .

الخادم : لا لسه .. دانا قاعد له فى الشباك من قبل الفجر

الحكيم : طب ياأخى كنت سيبنى لما اخلق دقنى ..

الخادم : نملك وقتنا بدرى احسن

الحكيم : احسن برضه .. استنى الى ما يستناكش

الخادم : لكن ياسعادة البيه انت روخر حتمشى فى الموكب ؟

الحكيم : ما امشيش ليه ؟ .. على كل حال انا اللي يهمنى اعرف
الاخبار وصلت لحد فين . ولازم اكون شاهد عيان .

الخادم : معاك حق (يختفيان)

الحاج على : اصبح بالخير يا حاج احمد

الحاج احمد : (لا يرد)

الحاج على : (يسرع من خطاه ويذهب اليه ويسلم عليه) باقول
اصبح بالخير

الحاج احمد : (بابتسامه مفتعله) اهلا حاج على . آنا شفتك في
صلاة الفجر وسبتك لما تصلى . وبعدين مالقيتكش ..

الحاج على : على فين العزم ؟

الحاج احمد : مطرح مانت رايع

الحاج على : بالزومه احنا هبل .. مش كان المفروض نفتح محلاتنا،
ونقعد نستنى الرزق اللي حبيجي .

الحاج احمد : المفروض . لكن بقى .. الرزق يحب الخفيه .. انا
اصلى .. بافكر افتح فرع هنا في العشمش .. ولو لمدة
جمعه جمعتين كده .

الحاج على : لا ياشيخ .. والله ناصح يا حاج احمد . ماتاخذنى
شريك معاك .

الحاج احمد : آخذك .. والرزق رزقين (يختفيان)

(فى اعقابهما ياتى ناس آخرون . وشيئا فشيئا تبدأ الناس
توافد من جميع الحارات ويفع الجو بموسيقى راعدة
تباءد شيئا فشيئا)

مسعد : الله .. انتى حلوة فى توب الزفاف قوى يا صابرين ..
.. وضفايرك المفروقين دول على جنب ، وشرايطهم
الحمرا ..

صابرين : شوف الى اجمل منى امه (تعرض الطفل وقد تفتح)
بص

مسعد : (يقبل الطفل) انا مش قادر اطلع من الباب

صابرين : انا انا الى مكسوفه

مسعد : تيجى مانتكسفش ؟

صابرين : مانعرفش

مسعد : حتى لو عرفنا .. فین الطريق الى حنمشى منه - الناس

كل كتل ورا بعضها .. ارواح فین ؟ .. أمشى منین ؟ ..

بلاش أبیبعها النهارده ؟ .. مقدرش استحمل ليله ثانيه ..

صابرين : مش ممكن .. لازم البتاعة دى تفارقنا النهارده بأى

شكل .. لسه فینا حيل نبات ليله زى ليله امبارح ؟

مسعد : والحل ؟

صابرين :! سي حماده فين ؟

مسعد : تايه في وسط الناس .. ماهش عارف يدخل

صابرين : مفيش واحد ابن حلال يفضى لنا سكه ؟

مسعد : ولا البوليس نفسه يقدر يفضى سكه

صابرين : مصيبه سوده .. وبعدين ؟

مسعد : اه .. خلينا قاعدين (يجلس بضيق)

صابرين : ودي فضيحة ايه بس يارب ؟

مسعد : اسمعى .. قومي اقلعي الهدوم دي يمكن يتكسفوا
ويمشوا

صابرين : طب ماتطلع تقول لهم محناش رايحين النهارده

مسعد : معقول صوتي حيوصل ؟ .. قومي بصى .. كتل الناس

آخرها في المدينه .. يعنى الطريق الزراعى كله مزروع ناس

قاعده وواقفه ونايمه واللى جايب غداه معاه واللى فارش

بعياله في المزارع

صابرين : (تنهار) مصيبه سوده .. مكتوب .

مسعد ؟ (يسحبها من يدها) تعالى شوفي (ينظران من النافذة)

(هياج في الناس .. ترتفع اصوات)

صوت : ! صائحا) اهو وقف

صوت : اهو حيمشى اهو .

صوت : اهو بيعدل نفسه

صوت : اهى ماشية وراه (يخفى مسعد وصابرين من النافذة)

صوت : اهم راحوا ناحية الباب

صوت : ياى ... اهم رجعوا تانى

اصوات : (بفجيعه) رجعوا ؟

صوت : رجعوا

صوت : رجعوا

صوت : رجعوا ؟

مسعد : شايفه باستى ؟

صابرين : مش ممكن حنعرف نمشى خطوه واحده .

(يظهر حماده وام الخير وقد اصطحبا ثلاثة عساكر بوليس .

وها هو احدهم يهمس فى اذن حماده متسائلا)

الشاويش : (بفرح) بزمك ؟ .. بزمك حيروح يبيعها النهارده ؟

حماده : ايوالله زى مابقولك .. بس همتك بقى انت
والشاويشيه .

الشاويش : و .. و .. زى مااتفقنا .

حماده : حتكون مبسوط والله العظيم .:

ام الخير : البلد بحالها حتكون مبسوطه .. بس اعملوا معروف

وسعوا لهم السكه عشان يمرقوا يعدوا ..

الشاويش : طيب .. من عينيه لاتنين (يتحفز - يشير للعساكر)

ماتخلوش فى قلبكم رحمه . مفهوم ؟

العسكريان : مفهوم

الشاويش : لحظه واحده (يصنع من كفيه ميكرفونا ويصيح) انت

ياجدع انت وهو .. منتوش عازفين .. ان ممنوع تجمع

أكثر من خمسة في مكان واحد ؟ .. بتعملوا إيه عندك انت
وهو ؟ .. هه ... ردوا يا بجم
العساكر : يلا يا ابن الكلب .. قوم يا ابن الكلب ..
(تحدث هرمله)

حماده : متخافش يا مسعد ياخويه انا جيت لك أهه ..
هات دراعك في دراعى .. وانتى يأم الخير خدى صابرين
تحت باطك (ويسحب مسعد في أبطه ويمضى)
أم الخير : (تأخذ صابرين تحت أبطها وتمضى خلفهما) يلا
يا حبيبتى .

(بمجرد ظهور مسعد فى الحلاء يرتفع الزيتط بدرجة عالية
جدا ، وتنطلق زغاريد ، ويعم هياج خرافى .. الامر الذى
يكبل خطوات مسعد ويوقفه فى مطرحة مترددا)
حماده : لازم تكون مفتح .. احسن يخموك .. خللى بالك
مسعد : (بحسم) مظى بالى كويس

حماده : بس دلوقت احنا مانعرفش اسعار اللؤلؤ فى اى مكان
تانى .. ازاي حنعرف ان التمن المعروض علينا تمن معقول
واحنا مانعرفش حاجه عن تمنه الحقيقى ؟

مسعد : (هموما) أبوه صحيح .. واحنا يعنى إيه كان جيعرفنا
سعره .. احنا هنا مش هناك .

الشاويش : اتفضل يا مسعد بيه .. الطريق سالك وكويس ..
مسعد : (بخوف) متين أضمن انه هو سالك ؟

حماده : (لمسعد بعصبية بريئة) قبل انت ماتتولد .. الناس
الكبار فكروا فى طريقة ياخدوا بيها مال كبير بدال اللؤلؤ

بتاعهم ..، قالوا .. الافضل يكون لنا وكيل ، ياخذ اللالىء
بييعها فى العاصمة ، وياخذ نصيبه من المكسب .

مسعد : (بايماءة وهو شارد) عارف .. وكانت فكره حلوه
فعلا

الشاويش : اتفضل يامسعد بيه .. متخافش

(مسعد يتقدم خطوتين .. الهياج يرتفع من جديد ويرتفع معه
اصوات ضارعة)

اصوات : وريهالنا يامسعد .. وريهالنا والنبي .. فى عرضك
(ويشدون ثيابه)

مسعد : (يرتعد من خوف ويتوقف) مش معقول .. مش
معقول ..

الشاويش : (يستعمل الكرياج) ابعد ياابن الكلب انت وهو

مسعد : (يرجع الى باب الكوخ ويقف فيه) والنبي ياشويش تبلى
الحكومة

الساكر : (يندمجون فى تسليك الطريق من جديد) اوعى .. هه
.. اوعى .. هه

حماده : واخذ بالك ؟ .. جابوا راجل زى صاحبنا ده .. وجمعوا
اللؤلؤ وبعته .. وانقطعت أخباره بعد كده .. وضاعت
اللالى .. بعد كده جابوا راجل تانى .. وبعته ..
وماحدث سمع عنه بعد كده . آخر ماغلبوا سابوهم
من الفكرة دى ورجعوا يبيعوا بالطريقة القديمة .

مسعد : (بضيق) عارف .. عارف .. ابويا طول عمره يحكيها
لنا .. كانت فكره حلوه بس كانت خارجة عن الدين ..

والشرع كان محرمها .. وده اللي وضحه الشيخ جمعه
في الخطبة بتاعته أيامها .. بالامارة قال ان اللي ضاع
لؤلؤهم ربنا بيعاقبهم

الشاويش : اتفضل يامسعد بيه .

مسعد : (يمشى بخطوات بطيئة جدا وهو يحاول ان يتماسك من
الخوف) حاجة غريبه خالص .. هو الموكب حيفضل
ماشى ورانا كده ؟

الشاويش : معلش يابيه .. اصلهم نفسهم يشوفوا النتيجة
كل الناس واخده اجازة النهارده ، حتى الموظفين واصحاب
الدكاكين

مسعد : (مرتعدا) طب وبعدين .. وبعدين .. دا .. دا ..
دا ..

الشاويش : بس امشى ما يهكمش .. انت في حمايتي ..

مسعد : (ناظرا اليه نظرة ذات معنى ! في حماية ربنا ..

الشاويش : طبعا .. ربنا فوق الكل .

(يتوغل مسعد وأهله في المضي - والموكب خلفه يتدافع
بالايدي والمناكب وكائننا في اللبلة الكبيرة في مولد
الحسين)

المتعهد : (ينتفض واقفا) يا صباح النور .. اهلا وسهلا ..
في الخدمة

مسعد : (بتواضع جم) معايا لؤلؤه .

حماده : (محذرا) اخشن شويه .. ماتبقاش طرى

المتعهد : (صائحا في الناس بغيظ) مش كده يا اسيادنا انتوا ..
حتموتونا .. حرام عليكم .. وسعوا بس ولو مدخل
الحل

مسعد : معلش ياعم .. حظنا كده بقه .. ماشى لحد هنا في
أربع ساعات

المتعهد : أبوه ياوالدى ... بتقول معاك لؤلؤه ؟

مسعد : أبوه

المتعهد : (بلا مناسبة) أحيانا يجينا واحد ومعاه دسته ..
على كل حال فرجنا .. خنقدها ونديك احسن سعر

مسعد : بسم الله الرحمن الرحيم (يدب يده في جيبه ويخرج
حافظته الجلدية ، فيفتحها ، ويخرج من جيبها الكبير كرة
صغيرة من الناديل والاوراق الملفوفة فوق بعضها ويأخذ في
فكها)

المتعهد : (ينفطى اللهفة بالتريقه) ياه .. دانت معتر بيها قوى
.. شايها في شنطة جلد .

مسعد : في الجلد والسقط كمان . (ويفك !
المتعهد : (صائحا في نظرف) وكمان في جلدة غزال ؟ .. هي
لفه جوه لفه جوه لفه

مسعد : (يعطيه اللؤلؤة) !تفضل ياسيدى
(شهقة خرافية تصدر عن هذا الجمع الحاشد وكأنه
جسد واحد)

المتعهد : (يزوم) هو .. م .. (ينقر عليها - ثم يلوى شففيه !
آسف يا صاحبي .

مسعد : آسف ايه ؟

المتعهد : معلش .. المسألة سوء حظ .. لكن بقى .. مش
ذنبى .

مسعد : دى لؤلؤة نادره

المتعهد : (يقذف اللؤلؤة على الصينية نتدحرج ! يمكن تكون
سمعت عن ذهب المبيط .. اللؤلؤة دى زى ذهب المبيط
بالظبط .. كبيرة من غير معنى (يلوى شففيه) ودى مين
اللى حيفكر يشتريها دى ؟ مفيش اى سوق تشتري
الحاجات اللى زى دى أبد' .. هي قيمتها في انها شيء

غريب وبس .. انما .. آسف .. كنت فاكرا انها لؤلؤه
ذات قيمة .. لكن .. هي ماتزیدش عن انها شيء غريب
وبس ..

(صمت خطير)

مسعد : (يصيح بانزعاج وقلق دى لؤلؤة الدنيا .. مفیش حد
شاف زیها ابدا ..

التمهيد : بالعكس .. كبره وشكلها مش حاجه .. فيهاش اى
جمال .. هي مهمة لانها شيء غريب .. جايز تنحط فى
متحف مثلا .. وسط مجموعة من قواقع البحر ..

مسعد : (يتسمر برهة - يزوم فى حقد شديد الاسف)
التمهيد : عنى كل حال اقدر اديك فيها ثمن خيالى بالنسبة لھا
.. ميت دينار .

مسعد : (يكفهر - يفيظ ينذر بالخطر) ازاي ؟ .. دى ماتقلش
عن خمسين ألف دينار .. وانت تعرف كده .. انت عابز
تضحك عليه ..

(زمجرة خفيفة تسرى بين صفوف الحشد الكورس)

الكورس : (خلال الزمجرة) ده نصب .

- دا ظلم

- ميت دينار ؟

- ميت دينار

- سرقة

التمهيد : ماتلومنيش .. انا متمن وبس .. اذا ماصدقتونيش
اسالوا غيرى .. وعلى كل حال ياعم .. روح اعرضها على

المكاتب الثانية... ولا اسمع .. انا ابعت اجيبهم هنا كلهم
 بدال ماتتعب في الزحمة دي (ينادى) يا ولد .. (يخرج ولد)
 روح انده للساده الزملاء تجار الحى كله .. قول لهم
 لو سمحوا يتفضلوا عندي خمسة .. او عك تقول لهم على
 السبب (ينصرف الولد) انفضل استريح ياوالدى .
 (الحشد يزجر بشدة)

الكودى : غريبة

— انا برضه كنت متوقع ان فيه حاجة زى كده حتحصل
 — هى صحيح كبيرة لكن لونها غريب قوى
 — انا على فكرة كنت شاكك فيها
 — على كل حال الميت دينار برضه كويسين .. ثروة محترمة
 بانسبة لمسعد .

(انغام موسيقى الشر تطفى على الموقف)

حمادة : فوق يامسعد .. ماترحش ..

مسعد : (مذهولا) الناس راحت فين ؟

حمادة : اهو .. فوق راسك اهو .

مسعد : امال انا مش شايفهم ليه (موسيقى الشر) مفيش
 'قدامى غير جدار اسود بيقرب منى .. تعال ب تلف حواليا
 .. حدادى .. بترفر فى الجو .. انا خايف يا حماده
 .. حاسس انى دبانه

حمادة : (محلوا) اصحى احسن تضع اونطه .. التجار اهم
 جم

(التجار الخمسة يتقدمون خلال الزحام)

التجار الخمسة : مساء الخير
التمهيد : أهلا وسهلا .. لؤأخذہ تعبناکم

غزال : لا العفو ..

الغوال : خير ؟

الجوال : ايه الحكايه ؟

الطبال : ايه الزحمه دى ؟

الجبال : لؤؤه مسروقه ؟

التمهيد : يا جماعة .. انا قدرت اللؤؤه دى بمبلغ معين ..
وصاحبها ده .. ماهش عاجبه المبلغ .. ف .. ارجوكم
.. تفضلوا الحته البتاعه دى (يدحرجها على الصنية)!
.. مش حاقول لكم انا فصلتها بكام .. قولولى انتوا ..
تسرى كام ؟

نفس الشقهه الخرافيه السابقه تصدر عن التجار (

غزال : ورينى لو سمحت ؟

التمهيد : (يعطيها له) اتفضل

غزال : (يفحصها - ثم يزوم بلهجة اشمئزاز)

التمهيد : (بخبث) مالك ؟

غزال : (يرميها فى احتقار على الصينيه) يا عم ماتضيعش وقتك
التمهيد : معلش بس افصلها ..

غزال : (بلؤم) انا ماليش دعوه ؟ .. دى مش لؤؤه .. دى
شئ بشع .

التمهيد : طب افصلها انت ياسيد فوال (يعطيها له)

الغوال : (يهز رأسه) عارفها عارفها (ضحكه سخرية خناقه)
شوف ياسيدى اللؤؤه الاصليه بصحيح .. الجميله ..

تبقى مصنوعة من عجین .. وتبقى ناشفه ومزلطه .. انما
دى .. عامله زى الطباشير .. يعنى حتفقد لونها وتموت
بعد شهرين ثلاثة بالكثير .. حتى بص ياعم .. شوفها
تحت النضاره المعظمه (يقرب منه النضاره)

مسعد : (ينظر فى النظاره)

الغوال : هيه .. شفت ايه ؟

مسعد : (بعد بحث عن صوته) لها سطح شكله غريب

الجوال : ورنى كده ياريس ..

مسعد : اتفضل (يعطيه اللؤلؤه)

الجوال : انا عندى زبون يحب الحاجات دى .. ممكن ادلك
خمسین دینار .. وانا ونصیبی .. اياك اقدر ابيعها له
بستین ..

مسعد : (يخطفها منه بعنف) أوعى سيب اللؤلؤه .. (يلفها
بسرعة ثم يخفيها)

التمهيد : انا عارف انى تسرعت فى السعر .. مع ذلك انا مازلت
عند سعري .. قلت ايه ؟

مسعد : (يصرخ فى حدة) انتوا بتضحكوا عليه .. دى لؤلؤه
ماتصلحش للبيع هنا .. انا حاسافر ابيعها فى العاصمة
نفسها

التمهيد : على كل حال ماتزعلش ياعم .. جازز ادفع ميه
وخمسین .

مسعد : (وهو يشق لنفسه طريقا فى الزحام) لو دفعت ماليتك
كلها مش حابيعها لك . (يمضى مسعد وخلفه الموكب)
(اغنية الشر تنطلق .. وتزف الموكب فى الطريق حتى
ينتهى)

(اصوات الليل تتدافع وتتصارع مع موسيقى اغنية الشر)

صابرين : وبعدين يامسعد .. لا كلنا تفاح الشام ولا عنب اليمن
حماده : المصيبه انه مش جيعرف يتعامل معاهم بعد كده تانى

مسعد : (مقهورا) يعنى كنت اقبل ابيع نفسى ببلاش ؟ ..
مايهمنيش اللؤلؤه فى ذاتها ... لكن اللى يهمنى انى خلاص
.. انفصلت عن حياتى القديمه .. الحياه القديمه بالنسبه
لى انتهت خلاص ... والآخر .. ابقى ... لا حافظت
على القديم .. ولاكسبت الجديد .

صابرين : ماكنت تتفاهم .. قصدى .. تتهاون معاهم وخلاص
.. بدال ماتخصر دول وتتشحطط

مسعد ؟ : (صائحا بعصبيه) انا حاروح العاصمه يعنى حاروح
.. هوه صحيح مشوار .. ماكنتش اتصور انى حاروحه
ف يوم من الايام .. لكن مادام قلت كده قدام الجميع ..

أبقى قطعت نص المسافه بالظبط .. اعمل ايه غير كده ..
دول دجالين وحراميه ..

حماده : من الصعب اننا نعرف .. احنا عارفين اننا مخدوعين
من يوم ماتولدنا .. لغايه اللحظة دى .. وعارفين ..
انهم بيقبضوا تمن الكفن بتاعنا .. بس احنا عايزين
نعيش .

مسعد : (بضيق) قصدك ايه يا حماده ؟

حماده : قصدى .. انت ماتحديتش تاجر اللؤلؤه وبس ..
انت اتحديت الاوضاع كلها .. طريقة الحياه نفسها ..
بصراحه .. انا خايف عشانك .

مسعد : وان خايف من ايه غير من الجوع ؟

حماده : ماهى دى حاجه بنخاف منها كلنا .. لكن .. على
فرض انك عندك الحق .. وان لؤلؤتك دى مفيش أعظم
منها .. تفكر ان اللعبه خلصت ؟

مسعد : يعنى ايه ؟

حماده : مش عارف .. لكن انا حاسس بالخوف عشانك ..
انت بتحط رجلك فى أرض جديده وغريبه عليك ..
وانت ماتعرفش الطريق .

مسعد : (بمنتهى الضيق والعصبية) حاسافر .. حاسافر ..
حاسافر حالا

حماده : ضبعا .. لازم تعمل كده .. بس .. انت مش متأكد
انك حتلاقى الوضع هناك أحسن من هنا .. جايز تكون
العاصمه «أنيل» .. انت لك هنا أصدقاء ، وأخ .. لكن
هناك مالکش حد .

مسعد : (يصيح متألماً) طب أعمل إيه ؟ .. هنا جبابره
مايحافوش ربنا .. وابنى لابد يتعلم .. ويبقى بنى آدم
.. وهما واقفين ضد ابنى وفرسته .. على كل حال
اصدقائى حيحومنى

حماده : - يحموك اذا كان ده مايعرضهمش للخطر أو المتاعب ..
لكن بعد كده مش جيعرفوك (ينهض) ربنا معاك .

مسعد : مع السلامة (يوصله حتى الباب ثم يعود متهالكا)

صابرين : حتنام ؟

مسعد : (بضيق ويأس) مش نايم - (موسيقى أغنية الشر
تطارده)

صابرين : (تترنم بأغنية الاسره)

مسعد : (هامسا فى زعر) هاتى السكينه

صابرين : (تشهق) ا .. ا .. ا (ولمسكه)

مسعد : (ينزع نفسه منها ويتناول السكينه) اوى (يندفع
صارحا) خد ياكلب (يندفع خارجا خلف الشبح - الشبح
يضربه باله حاده على رأسه - يصرخ (آه) ويرتمى على
الارض)

صابرين : (تجرى نحوه صارخة) مسعد .

مسعد : (يتلوه) آه ..

صابرين : (تولول) ياخبر اسود .. وشك غرقان دم (تشهق)
دا وشك مفتوح بسكينه (تحاول ان تحمله) يامصيبتى
السوده .

مسعد : (متأوها) متقدرش تشيلينى .. ساعدينى بس
(يزحف)

صابرين : امتى حصل ده كله ؟

مسعد : مشى عارف .. ماشفتش

صابرين : سيب دماغك على صدرى (تحتضن رأسه) مسعد ..

مسعد :

صابرين : مسعد .. انت سامعنى ؟

مسعد .. دى مشئومه .. مشئومه .

صابرين : مسعد .. اللؤلؤة دى، مشئومة .. سيبنا تقضى

عليها قبل ماتقضى علينا .. سيبنا ندشدشها بصخرتين

.. سيبنا نرميها مره تانيه فى البحر .. البحر وطنها ..

مسعد .. دى مشئومة .. مشئومة .

مسعد : (بهياج وحشى متصلب العضلات) لا .. لا ..

حارب اجعص جعيص .. كل حاجة حاربها ..

وحانتصر .. وحاخذ فرصتنا (يخبط الارض بقبضة

يده) محدش حيقدر يخطف مننا حظنا السعيد (ثم

برقة مفاجئة) صدقنى يا صابرين .. انا راجل .

صابرين : (بصوت مبجوح) مسعد انا خايفه .. مايقعش غير

الراجل . خلينا نرمى اللؤلؤة فى البحر ..

مسعد : (بخشونة) اسكتى .. انا راجل .. يعنى تسكتى .

صابرين : (بخنوع) حاضر .. ادينى ساكنه (تساعده على

المضى حتى يدخلان الكوخ)

مسعد : خلينا ننام شوية .. وف طلعة الفجر حنتوكل على

الله . انتى خايفه من السفر معايه ؟

صابرين : لا ابدا يامسعد

مسعد : (بحنان ورقة) طب سبينا ننام شويه .

صابرين : حاضر (ينامان) (صابرين تنهض متسللة وتأخذ شيئاً وتجرى)

(موسيقى اغنية الشر .. برهة ثم تبتعد)

مسعد : (يتقلب) الله .. الوليه راحت فين ؟ (ينادى برفق)
صابرين .. صابرين .. عجائب (ينهض) صابرين (يتجول في الدوخ) صابرين (يخطو الى الخارج) راحت فين ؟
(ينظر الى بعيد فراها تقترب من الشاطئ) يابنت
الابالسة .. رايحه ناحية البحر ليه ؟ .. يمكن حنتنحر
(تجرى) اقفي يا صابرين .

صابرين : (وهى تجرى) ارجع من ورايا

مسعد : (يجرى بغضب وغيظ) اقفي يابنت الابالسة ..
صابرين (يصيح من أعماق حنجرتة) صابرين .

صابرين : (ترفع يدها الى فوق وتهم بقذف شيء في البحر)

مسعد : (بقفزة خرافيه ينقض عليها ويطبق على يدها ! حتمعلى
ايه بامجنونه ؟

صابرين : (تلهث) آه .. سيبنى

مسعد : هاتى اللؤلؤه .. افتحى ايدك (يفرك يدها)

صابرين : آه ..

مسعد : (ينهال عليها بالصفع وهو يكر على أنيابه) سافله ..
مجرمه ..

صابرين : (بتألم مكتومة الانفاس) اى .. حثوقعنى في البحر .

مسعد : (بعنف) فى داهيه . هه (يدفعها . تندفع متدحرجه
رتقع فى البحر . تبلط فى الماء وتخرج لاهثة) .

(مسعد يمشى ويترك صابرين)

مسعد : (يرتعد) آه ياكلب .. خد . (يضرب فى الشبح)

الشبح : ! يصرخ ثم يقع على الارض ! .. آ...ى . (ينهض
فورا ويضرب مسعد على راسه بآلة حادة)

مسعد : (يصرخ ويقع على الارض) آى .. دماغى

الشبح : (ينقض على مسعد ويعبث به)

مسعد : (يقاوم - يصرخ) آه .. اللؤلؤه مش فى جيبى اللؤلؤه
تدحرج على الارض وترن وتلمع - مسعد ينزعج)
اللؤلؤه .. اللؤلؤه ..

الشبح : (يريد ان يخلص على مسعد)

صابرين : (مقبلة تزحف على الارض وتنادى باعياء) مسعد ..
مسعد ... انت فين ؟

الشبح : (يترك مسعد ويجرى تجاه الشاطئ من ناحية
أخرى)

مسعد : (يئن)

صابرين : انا مش زعلانه منك .. انت فين ؟ (تشفق ! انتى
هنا .. طب تعالى

مسعد : (يئن بحرقة) القمر راح فين .. كان لسه طالع .

صابرين : القمر غرقان فى السحاب .. آهو بيطل اهه ... آهو
نور (يسطع نور القمر) اللؤلؤه معاينه ... حاروخ ارميها

في البحر تانى (تجرى . لكنها تقف صارخة ، فقد رأت
جثتين ممدتين على الارض - تصرخ بأعلى صوتها)
يامصبتى جثتين مقتولين ؟ مين ؟ (صارخة)
مسعد اتقتل ؟

مسعد : (يئن) لا ما اتقتلتش .. هو اللي اتقتل .. قتله .
(يزحف)

صابرين : بمرارة ويأس) خلاص .. انتهت حياتك القديمة
يا صابرين .. مفيش فايده في رجوعها .. راح الامان
والسلام وانتهى اليوم الجميل .. قتيل ودم وليل مهددنا
.. خلاص .. كل شيء انتهى .. مفيش أمل يرجع اعمارح
.. الوداع . الوداع يا بسمة ابني فوق جبين الشمس ..
الوداع يا ضحكة القمر الجريح .. الوداع .. الوداع ..
(فجأة بحدة ! ملعون في كل مكان يا زمان مجنون ... يا جثة
مقتونه عشان تجرى ورا اوهام ..) تجرجر الجثة
وتمضى)

مسعد : صابرين

صابرين : (من بعيد) راجعه لك يا مسعد . بادارى غلظه الايام
.. بادفن جثة الماضى اللي كان محبوب واصبح بالامل
مضروب

مسعد : (يئن) ودارى جثة الحاضر الملعون

صابرين : (تعود) رميتها تحت الشجر .. ورينى دمك امسحه
في توبى .. دم ابني .. دم قلبى .. دم بكرة .. دم عين
الحب . ياعين حبيبه واتعمت قبل الاوان ..

مسعد : (بمرارة حادة) الامل في الدنيا خلا الدنيا تبقى
جحيم .

صابرين : اصل الامل ده جوفه ضرير .

مسعد : (بنهجة ماساويه) راحت اللؤلؤه .. خدوها ياصابرين
.. كانت بريق برق فى حياتى يوم وانطى (بالسف - غير
مصدق) راحت اللؤلؤه ؟ .. يالف حصره عليك
يامسعد .

صابرين : اللؤلؤه ماتعش غير فى البحر .. اللؤلؤه عايزه لها
صدر عريض منور نضيف .. اللؤلؤه فى ايدين خسيه
تنطفى .. تصبح حجر .. يندب فى دماغ البشر .. تصبح
مصيبه جوه صدر ولاد شيطان الارض .. تصبح لهيب
يحرق ايدين التعبانين الشقيانين .

مسعد : بحرقة ! آه ياكبدى .. ابنى مش حيرج المدرسة ..
مش حنعرف ؟ .. مش حنعرف ؟

صابرين : (كانها ترضى طفولته) آدى لؤلؤتك ايه .. بس لازم
تمشى حالا من البلد .. من قبل ضى الفجر نمشى .. دانت
قاتل .

مسعد : دافعت عن نفسى .. كنت حابقى مقتول ..

صابرين : فاكر امبارح ؟ .. فاكر رجال المدينة ؟ .. انت مش
ممكين تجيبها البر ابدا .

مسعد : مماكى حق (بنشاط مفاجيء) اجبرى هاتى الولد ..
وهاتى كل مانملك .. وانا حاسح القارب وحاستناكى
فى المبه (ينهض ويسير متعثرا)

صابرين : (وهى تبتعد) يارب سامحنى (يختفى مسعد عند
الشاطئ ، وتختفى صابرين داخل الكوخ) .

(موسيقى اغنية الشر - تختلط بحفيف الاشجار والموج)

مسعد : (قادما) يجر على انيابه صارخا من الالم) آه يا جنس الكلب يا شيطان بنى آدم .. عمل ايه فيكم القارب ؟ .. تحرقوه وتكسروه يا خلق هوه .. (يقفز ويهرول على الشاطئ) لكنى اكبر منكم .. مش حاكون زيكم .. اقدر آخذ اى قارب من قواربكم وارحل بيه .. انما أبدا .. مش حيحصل ..

صابرين : (خارجه تجرى وتصرخ) حريقه ف بيتنا يامسعد .. حريقه .. الكلاب حرقوا البيت .. حفروا ارضه .. حتى صندوق الولد قلبوه وفتشوا فيه .

مسعد : هما مين ؟

صابرين : مانش عارفه .

مسعد ! : (يسحبها لا طب اجرى معايا .. اجرى) يجريان فى اتجاه العشش) (مجموعة من الناس تخرج من العشش . مسعد وصابرين يصطلمان بها . يرتدان الى ناحية اخرى ويجريان . مجموعة اخرى تخرج من هذه الناحية . يصطلمان بهما .. يرتدان ويجريان فى اتجاه ثالث . مجموعه ثالثه من الناس تكون قد خرجت على صوت الضجه . يصطلمان بها . يرتدان يجريان فى اتجاه الشاطئ . مجموعه من الصيادين قادمه يصطلمان بها كذلك . يرتدان . يجريان فى دائرة كالغار فى المصيدة . يتوقفان لاهثان)

الكورس ! : جرى لك ايه يامسكين ؟ .. وانتى يامسكينه ؟

مسعد : مصيبه سوده .. حرقو لى قاربى ..

صابرين : حرقو لى بيتى (تشير الى الولد فوق ظهرها) كان الولد حيموت

الكورس : هما مين ياسعيد الحظ ؟
مسعد : ماش عارف .. لا بد واحد منكم
الكورس : مش مهم ..
مسعد : مش مهم ازاي .. تحرقولى بيتى .. وقاربى ..
الكورس : (مقاطعا) مش احنا .. دول ولاد الحرام
مسعد : ليه .. عملت فيهم ايه ؟
الكورس : اخدت منهم حظهم .. اخدت فرستهم .. الفرصة
دى ماتكررش أبدا .. يعنى خلاص .. خدتها انت
بالسهل
مسعد : وانا اعمل ايه .. دا حظى .. نصيبى
الكورس : والله .. روح قول لهم
مسعد : مين ؟
الكورس : لولاد الحرام !!
مسعد : كلنا اولاد حرام .. كلنا ..
الكورس : المهم .. فين اللؤلؤه .. وديتها فين ؟
مسعد : (مشيرا الى الكوخ) هناك .. سيبونى آخدها .. أنا
عارف مكانها .
الكورس : بزمتك ماهى وياك ؟
مسعد : فتشونى
الكورس : ولا انتى يا صابرين ؟
صابرين : فتشونى .
الكورس : على كل حال .. نروح نشوفها .. ولو وقعت فى
أيدنا .. انحلت المشكلة
(يتدفع الناس نحو الكوخ .. فيمضى الكورس خلفهم)

صابرين : (مرتعده) هما حيطاردونا لسه ؟

مسعد : ضرورى (صوت وقع حوافر خيل ولفظ فى الخلفية)
سامعة .. لسه بيدوروا علينا

صابرين : سى حماده من قالك ابعد عن الشط ؟ .. احسن
رجال المدينه سبقوك عليه ؟

مسعد : ما احنا بعدنا فعلا .. احنا دلوقت رايحين ناحية
الشمال .. سمعت ان فيه مدن نقدر نعيش فيها

صابرين : (تحتضن الطفل فى صدرها) مش جايز تكون اللؤلؤه
مالهاش قيمه ؟

مسعد : لا .. لو ماكانش لها قيمه .. ماكانوش حاولوا يسرقوها
(وقع الحوافر واللفظ يقترب)

مسعد : (هامسا) هش

صابرين : (مرتعدة) ايه ؟

مسعد :! ايدوروا على ائرننا في الطريق .. نامى فى الحفرة ..
يظهر انى لازم اسلمهم نفسى .

صابرين : (تقف صارخه يخشونه) اللؤلؤه وياك .. ومش ممكن
يسيبوك حى .

مسعد : (بصوت هزيل) ماهم حيلاقوها

صابرين : تعالى .. تعالى (تشد)

مسعد : (يتنهذ ويجلس على قرافيصه)

صابرين : لو خدوها .. تفكر يسيبونى حيه ؟ .. او يسيبوا
الولد ؟

مسعد : (بغضب) تعالى .. حندخل فى الجبال .. يمكن
يتوهوا عننا

(ينتقلان الى بقعة اخرى اكثر امنا)

مسعد :! صابرين .. انا حامشى فى طريقى .. وانت تستخبي

.. حاسبهم يمشوا ورايا لحد الجبل .. ولما يسيبوكى

.. ارجعى للشمال .. واذا قدرت افلت منهم حابقى

ارجع لك .. مفيش طريقه تانيه للنجاه .

صابرين : لا .. لازم نروح وياك .

مسعد : (يخشونه) انا لوحدى اقدر اجرى .. اذا جيتى معايا

حتعرضى الولد لأكبر خطر ..

صابرين : لا !

مسعد : (ينفخ فى غيظ والم .. ثم يصعد فوق التل)

(موسيقى اغنية الشر تقررع الآذان)

صابرين : هيه .. هما فين دلوقت ؟

مسعد : على بال ماييجى المسا .. حيكونوا وصلوا هنا

صابرين : انت شايفهم كويس ؟

مسعد : طبعاً .. الصخرة عاليه .. وهما هوكب كبير (يهبط)
على فكره .. لازم نتجه للغرب (يمشى ويتوغل فى الجبل
ويختفى)

(أغنية الشر تعنف)

مسعد : (يعود وهو يزحف على يديه وقدمية) صابرين

صابرين : (هامسه) انت جيت .. شفت إيه ؟

مسعد : خاينا فى الكهف حبه .. ولما يطلعوا فوق الصخور ..
يبقى نرجع للأراضى الواطيه تانى (متذكرا) مصيبة سودة
.. لو الولد عيط حيكشمنأ .. روحنا دلوقت متعلقه ف
صوته . اعملى كل الطرق لاجل ماييكيش .

صابرين : مش حيبكى .. هو عارف .

(وقع اقدام الخيل تقترب ونباح كلاب معها)

مسعد : (وهو يصعد برأسه متلصصا) اهم وصلوا .. اهم
قعدوا .. السجاير فرقعت . أنا شابف كل حاجه .
(لمعة ضوء تبرق وتنطفئ)

صابرين : (تشهق) نور

مسعد : هنى .. اتنين معددين على الارض .. واحد تالت قاعد
على الرمل ومعاه بندقيه .. فيه طريق للخلاص .

صابرين : (مرتعده) حيقتلوك .

مسعد : اذا وصلت للراجل وخذت البندقية .. تبقى الحكاة
انتهت .

صابرين : حيلمحوا توبك الابيض فى ضى النجوم

مسعد : لا .. انا حامشى من قبل القمر ما .. (يتردد) هس ..
اذا قتلونى خليكى ف مكانك .. ولما يمشوا .. ترجى .

صابرين : (بضراعة) مسعد

مسعد : لا .. مفيش كلام تانى .. هو ده الحل الوحيد

صابرين : (بصوت مرتجف) طب روح ياخوية .. فى رعاية
الله .

مسعد : راننى برضه .. فى رعايته (يتسلق الصخرة - هامسا)
لازم اهجم بقى (الطفل يبكى فجاء - مسعد يهبط
واتصقا بصخرة فاقدتا تماسكه) فشلت الخطه .

رجل ١ : (يطل من الناحية الاخرى ناظرا فى الكهف) انا سمعت
صوت بشر .. فيه ناس هنا (يضرب عيارا ناريا . مسعد
يزداد التصاقا بالصخره . - صابرين تدفن نفسها فى
الصخور . الرجل يهبط الى الكهف) .

مسعد : (ينقض عليه ، يروح يطعنه بالسكين حتى يموت .
ياخذ ببندقيته ويهشم بها رأسه)

رجل ٢ : (يطل قادما هو الآخر يتلصص)

مسعد : (سرعة شديدة يسدد اليه عيارا ناريا)

رجل ٢ : (يقع ميتا فى قلب الكهف)

رجل ٣ : (يطل ببندقيته ، ويروح يضرب اعيرة نارية دون
تركيز)

صابرين : (تصرخ) آه .. الولد .. الولد مات .. جات له طلقه
في دماغه

رجل ٣ : (يسقط في الكهف)

مسعد : (من خلفه يهوى بدبشك البندقية على راسه بعنف
مرات عديدة)

رجل ٣ : يقع مينا

مسعد : (برمي البندقية ويرتمي فوق صابرين ويأخذ الولد في
حضنه ثم ينفجر نائبا في حرقه شديده . يسحب
«صابرين» وينهضان ، ثم يسير)

صابرين : (تسير خلفه وهي تنتفض من البكاء والالام) خلاص
.. ممكن أموت .. معادش للدنيا طعم .. مودنا فين ؟

مسعد : راجعين .. راجعين البحر تانى .. لعشش الصيادين
(يصعدان الصخور ، ويهبطان ، ويصعدان تلالا ، ويهبطان .
في دوره شبه خرافيه لاهته ، وفي النهايه يقتربان من
شاطيء النهر الذي يبدو بعيدا كحد السيف) مكتوب لنا
نرجع للخليج .

صابرين : (منتحبه) كان الامل كذاب .. واعمى

مسعد : الصدور هي اللي عميا ..

صابرين : كان متها لنا انك لقيت اللؤلؤه .. اكبر لؤلؤه في
الدنيا .

مسعد : انا في الحقيقه ملقتهاش (يخرج اللؤلؤه من جيبه) دى
.. ايه قيمتها .. خلاص .. نسيبها تروح مكانها الطبيعي

(ينفذها بأقصى مايسطيع ، فتطير ، وتقع في النهر)
عمرى محادور عليها تانى ..

صابرين : اللؤلؤه مش في المحار .. اللؤلؤه جوه الصدور
(يمضيان في خطو جنازرى بطيء في اتجاه الخليج)

تمت

ستار الختام

سوفانا الزما

معزوفة متعبة في ٧ لومات

(وسط مقابر القرية)

جماليات : بادی یا نادى انت فين م الصبح يا بادی ؟

البادی : (مقتربا) تعالى ياجماليات .. من طلعة الشمس وانا واقف ورا ده السور

جماليات : دانا اللى من غيابك .. خاطرى مكسور

البادی : ..أخره عن ميعادك ليه ؟

جماليات : مشفتنيش، م الصبح وانا واقفه ؟

البادی : واشوفك فين ؟

جماليات : جوه القرافه .. باوزع الرحمه على روح العزيزه امى

البادی : ايدا .. ماشفتش حد

جماليات : (بدلال) آدى انت اهه شفتنى .. ايه بعد ماشوفنى ؟

البادی : وبايدى ايه .. يعنى انتى مش عارفه ؟

جماليات : (تنهد) طب دى المصيبة ان انا عارفه
البادى : ابوكى عايز مال .. ومنين اجيب المال ؟
جماليات : وناوى تعدل ايه ؟
البادى : اشوفك بس
جماليات : بقالك مده بتشوفنى
البادى : م الجمعة للجمعه باشوفك ساعه مش اكثر ..
جماليات : لولا انى باجى لأمى وأزورها .. ماكانش اتقابلنا ف
يوم
البادى : ولولا انى باجى لأمى وأزورها .. ماكانش قلبى اتحرم
م النوم
جماليات : فاكر قابلتك فين ؟
البادى : فى الحته دى .. قاعد باعيط (يمثل البكاء) واقول
ياامه تعالىلى
جماليات : ساعتها كنت مودعه أمى .. بعد ما حطيت على قبرها
همى ..
البادى : مالحقتش انطق وأقول ياامه تعالىلى .. الا ولقيتك ...
جابه تنادىلى
جماليات : (تستعيد اللقاء القديم) مساء الخير عليك يادى
الجدع
البادى : (يفيق من البكاء) مساء النور ياصبية
جماليات : تقدرش تسمع كلمتين منى ؟
البادى : تقدرش ليه .. دانا حتى روحى ف كلمه من مخلوق

جماليات : ياميت ندامه على راجل بيبكى والدموع في عينيه
البادى : ياميت ندامه على انسان بلا أم .. تسهر في الليالى
عليه

جماليات : يكون في عون البنات .. ويكون في عونى انا بالذات
البادى : جرى لك حاجه باصبيه ؟

جماليات : جralى قد ماجراك

البادى : وليه بقى بتستغري .. ليه ؟

جماليات : شوف بنت من غير أم تعمل ايه ؟

البادى : معاكى حق يا صبيه .. ويا هلترى .. لك اب عايش ؟

جماليات : ومتجوز .. وفرح الدنيا ما بيكفيه

البادى : وانتى ..

جماليات : غريبه .. والدار ماهش دارى .. وابويا مش ابوبا

البادى : واسم الكريمة ايه ؟

جماليات : الاسم جملات

البادى : ده اسم ولا وصف يا جملات .. ياحلوه سلامات ..

جماليات : انشاء الله تسلم .. واسم الكريم ؟

البادى : البادى .. دارنا هناك ع الجسر .. جنب دار محمد

ابو راضى

جماليات : بااهلا وسهلا .. هه .. اتمسى بالخير (تمشى)

البادى : حاشوفك تانى يا صبيه ؟

جماليات : يوم الخميس الجاى .. هنا جنب بيت امى ..

مسيكى بالخير يا امايا

البادى : (مشيرا الى القبر) وده يبقى بيت امك ؟

جماليات : مالىش فى الدنيا دى غيره .. م الجمعة للجمعه بازوره ..

البادى : جمالات . انا احب اشوفك كثير .. ماتحرمينش

جماليات : اوعدنى ماتبكيش

البادى : عمرى ما حابكى خلاص .. حابص ف عينك الصافيه .

والمر ايدك الدافيه . واسأل عليكى كثير .

جماليات : سألت عليك العافيه .

(بنديجان فى ضحكة ويعودان الى المشهد الاصلى)

جماليات : ماقلتش .. بقى لنا كثير بنتقابل .

البادى : بلاش يا حبيبتي نتقابل ؟

جماليات : وده معقول .. دانت بالنسبه لى أب

البادى : وانتى بالنسبه لى أم

جماليات : الليله شفت منام

البادى : اشاء الله خير يارب .

جماليات : شفت العزيزة أمى (تستعيد الحلم « صرخت (تصرخ)

امه .. ازاي حالك يامه .

الام : (ايكو) ازاي حالك انتى ؟

جماليات : انا ؟ .. انا حالى بعدك عدم

الام : ازاي حالك عدم وأبوكى فى الدنيا ؟

جماليات : من يوم ماغبتى والحنان من الدنيا انعدم

الام : ابنى لنفسك بيت .. وربى فيه الحنان

جماليات : ازاي ابنى بيت .. وانا بختى مال وانهدم ؟

الام : الخير يببنى بيوت ..

جماليات : الخير باينه في القلوب اتردم
الام : ذا الخير زى طير من طيور الجنة .. لو يحط ف ارض
 .. يخضر فيها القدم
جماليات : انا قلبى طير وانحبس
الام : اطيقيه م القفص
جماليات : وان طلقته ؟
الام : لا بد مايرفر ف هنا وهناك .. وفي النهاية يحط على
 عشه
جماليات : انا نفسى اخلف ولد ..
الام : الارض لما بترتوى .. يخضر فيها الزرع
جماليات : والارض نو تعطش ؟
الام : قوليلو ياجماليات .. انتى حالك مش عاجبنى
جماليات : الزمن يامه تاغبنى
الام : فيه حاجه غير الزمن تعبانى وياكى
جماليات : يمكن البين ؟
الام : ماافتكرش
جماليات : المقدر ؟
الام : ماافتكرش
جماليات : مين اللى دفنك وانتى لسه شباب .. مش المقدر ؟
الام : لا يابنتى
جماليات : يبقى مين طيب ؟
الام : اللى شايل عنده مفتاح القفص .. هو نفسه ..
 سجانك

جماليات : آيه السبب ياماه ؟

الام : اصله اشترانى بمال .. ورماني جوه القفص .

جماليات : ليه اشتراكى بمال ؟

الام : عجبہ الجمال والحسن .. ادى الجنائنى فلوس ..

وقطفنى من ع الفصن وفضلت ادبل .. وادبل .. لحد
مارمانى ورق .. (تختفى)

جماليات !: (تلف حول المقبره فى لهجة ندب) تعاليلى قوام ياماه

.. انا عايزه ترايك ياماه .. اتكحل بيه ياماه .. وانا

خايه لادبل ياماه .. ورينى السكه ياماه .. دا السكه

سلام ياماه .

البادى : (فزعا) الله .. جمالات .. جمالات

جماليات : ابويا ؟ .. احنا امتى الوقت ياابا ؟

البادى !: ابوكى مين دانا البادى ..

جماليات : البادى .. امتى تكون البادى يابادى ؟

البادى : استنى قبله اما اشوف الحلم ده ايه .. دا حلم مش

عادى

جماليات : لو بس تنوى

البادى : النيه ماتكفيش

جماليات : الحب اهو موجود

البادى : انحب مايقضيش

جماليات : (تنهار باكيه ! يابادى انا شارباله .. يابادى

ماتبعنيش

البادى : انا اعمل ايه فى الحظ يا جمالات .. انا جيبي ناقصه
فلوس .. والدنيا مابتديش ..

جمالات : ماعدتش قادره يابادى
البادى : على كل حال .. انا .. انا ..

جمالات : حتروح لابويا ؟

البادى : تنصرف المقادير .. من هنا ليكره اكون فكرن ..
واقيلك .

(فی دار . «رضوان» والد جمالات . الاب وبضعة رجال)

رضوان : یا الف اهلا وسهلا .. شرفتوا یا جماعه .. شرفت
یا .. بادی

الرجال : الله يشرف قدرکم

البادی : (لنفسه متوجسا) یارب یا هادی ..

رضوان : (منادیا) القهوه یا ولادی

قمر : يتنه عامر

فتح الله ! ولا نتحرمش من الیادی

رضوان : هیه .. خیر یا آسیادی ؟

قمر : طبعا .. تعرف البادی .

رضوان : طبعا .. البادی راجل مننا

البادی : تعيش یا عمی

فتح الله : ربك یهدی سرنا

جماليات : (من بعيد) القهوة يا ابا ..
رضوان : تعالى يا جمالات .. مفيش غريب عننا
جماليات : (تدخل) مسا الخير عليهم
الجميع : وعليكى يا صبيه (تضع القهوة)
جماليات : يلزمش خدمه
قمر : (مبتسما) الخدمة فى الافراح نخدمها ... استحضرى
 واتغندرى ... ليلتك خلاص قريب .. وان كانت بعيده
 .. انا والناس تقدمها
جماليات : (تضحك بخجل)
قمر : (يرشف) الله على القهوة .
جماليات : عاجباك ياسى قمر ؟
قمر : من ايد مانعدها
جماليات : افوتكم بعافيه (تخرج)
فتح الله : (يرشف) ايه راي ابو جمالات ؟
رضوان : فى ايه يا ابو فرحات ؟
فتح الله : عايزين نفرح ببتكم جمالات
رضوان : الله يفرح قلبكم ويديم علينا فضلکم
قمر : اصل الحكاية باختصار .. البادى طالب قريبكم .. ايه
 راينكم ؟
فتح الله : والبادى راجل عال .
قمر : طول عمره والله بيحبكم ويمزكم
البادى : تشكر ياخال رضوان .. ذا بس من اصلکم .

رضوان : (يزوم بلهجة ذات معنى)

قمر : سكت ليه ياعم ؟

البادى : (لنفسه متوجسا) لازم مالوش غايه

قمر : ماتنكلم ياابو فرحات

فتح الله : ماتنكلم ياابو جمالات

رضوان : (يتنحنج ويتنهد) ياريتكوا جيتوا ف جمل... ولا ف طلب غالى

قمر : وايش يكون الجمل ؟

فتح الله : فيه اغلى من جمالات ؟

رضوان : لو تطلبوا الوفات ... رقبتي ليكم

البادى : (لنفسه) آهو حود عن الموضوع .. لازم مالوش غايه

قمر : طب سمعونا الفاتحه ياجماعه

فتح الله : الفاتحه يااسيادنا ؟

رضوان : مستمجلين على ابيه .. استنوا نتفاهم .. وكل شىء ملحوق عليه

قمر : (مازحا) لسه حنتفاهم ؟

فتح الله : جازيز فى نفسه شىء ..

قمر : مايقول عليه .. فيه حاجه ياسى رضوان ؟

رضوان : طبعا ياسى قمر .. البنت لسه صغيره

قمر وفتح الله : البنت لسه صغيره ؟ .. عايزها تقعد لحد امتى ؟

رضوان : لحد مايجبها العدل .

قمر : وادی العدل جاها .. البادی حلو ايه ..
فتح الله : طول ... بعرض ... ووجاهه .
رضوان : (يزوم) على كل حال يابادی یاابنی .. في دماغی حبة
 أسئلہ
قمر : یاعم ایہ المسالہ .. هو انت حتحقق ؟
البادی : وماله یسال .. سیبه یتحقق
رضوان : البادی یرف مین .. غیر الحبابب دول ؟
البادی : یرف ربنا
رضوان : هیہ .. ونعم بیہ .. وتملك ایہ ؟
البادی : املك دراعی
فتح الله : كلام سلیم
رضوان : ولبنتی .. اضمن ایہ ؟
البادی : اضمن لها قلبی
رضوان : احسن ضمان ... وناوی تدفع ایہ ؟
البادی : عمری وحياتی
رضوان : نسلم یابادی (ضاحکا) عمرک رخیص للدرجه دی ؟
البادی : یرخص عشان جمالات
رضوان : (يزوم بلهجه ذات معنى)
قمر : ماتصلوا بینا ع النبی
الجميع : علیه افضل الصلوات
قمر : تطلب فی بنتک کام ؟
رضوان : اطلب ثلاث میات

قمر : وعشان خاطرنا ؟
رضوان : الله يبارك في الميتين
البادى : دا كتير عليا .. هو حد معاه ميتين ؟
فتح الله : فعلا .. كتير عليه ..
رضوان : رقليل على جمالات
قمر : خليك حنين ع الجدع
رضوان : كان من عينيه
فتح الله : يعنى .. ماينفعوش فيه ؟
رضوان : ابو سنه جانا من يومين .. وقدم تلتمية
البادى : (فزعا) ابو سنه يدفع تلتمية ؟
رضوان : دا غير الشبكة والاعباد ..
البادى : على كل حال ..
رضوان : على كل حال .. فكر وشاور
ص جمالات : (قادما من بعيد) بلاميات ياطبيب المبالي بلاميات ..
 هما فتلات الفرام بخنكمو على ميات ؟
رضوان : (فزعا) عن اذنكم خمسه .. الصوت ده صوت بنتى
 (ينهض) عن اذنكم خمسه (يخرج من الحجره . يتجه فى
 الدهاليز الضيق ، ويرفع رأسه الى أعلى مناديا) بتتكلّمى
 مع مين يابت ؟
جمالات : تنتفض ملعوره (آتى اتكلمت يا آبا ؟
رضوان : (صارخا) امال خيالك ؟
جمالات : انا يا آبا ما اتكلمتش
رضوان : طب فزى قومى انزلى

جملات : (برعب) آنی نازلہ اہہ .. (تنزل)

رضوان : (مکشرا) قریبی حدایہ

جملات : قربت اہہ .. (ترتعش) فیہ حاجہ یاابا ؟

رضوان : آیوہ فیہ (یصفعہا) خدی .. یاناقصہ تربیہ
(یصفعہا)

جملات : (صرخات مکتومہ) ای .. حاسب علی عینیہ ..
حاسب علی عینیہ

رضوان : جایہ علی آخر الزمن حتم رغینی فی التراب .. دانا
أحرقك

جملات : (باکیۃ) یادی العذاب .

رضوان : لسہ حتشوفی العذاب

جملات : ؟ لیہ بس یاابا ؟

رضوان : مش عارفہ لیہ ؟ .. یام اللسان کذاب ؟

قہر : (محتجا بغضب) ایہ العمایل دی ؟

رضوان : لمؤاخذہ یاجماعہ .. خلیکوا فی القاعہ ..

قہر : (منفعلا) اما انت راجل مش تمام .. تعمل عمایل زی دی
واحنا معاك ؟

فتح اللہ : مش عیب علیک برضہ ؟

البادی : لیہ بس یاراجل نکدت ع القعدہ ؟

فتح اللہ : نکدت ع البنت

البادی : بیمتہا فی الحزن .. والفرح ع الابواب

رضوان : ماہی راخرہ تستاہل

قمر : (محتدا) ليه بس يا جاهل ؟

رضوان : لها رأى فى الخطاب !!

البادى : (لنفسه) قال يعنى كفرت . (صوت بكاء البنت يأتى)

رضوان : وكمآن بتبكى .. طب يمىن بالله ماعدت مريحك ..
ومفیش جواز .. مفیش جواز .. مفیش جواز ..

فتح الله : يلا بينا يا قمر

البادى : على فىن يارجاله ؟

قمر : لا عاد لنا قعدہ .. ولا عاد لنا قواله (يمشون)

البادى : (وهو يخرج خلعهم) معلش يا جمالات . اللى أقدر
عليه عملته .. ربنا موجود .. (ينصرفون)

(جزء من بيت البادى وجزء من بيت رضوان وشارع
يفصل بينهما)

(نحن الآن فى الشارع) (مجموعة من الشبان يجلسون على
المصطبة)

قمر : البادى : فىن يا اولاد ؟ .. شفتوش يافتح الله ؟

فتح الله : ابدأ يا قمر .. بقى له مده ما بيبان

قمر : دأكن مواعدنى يسقى أرضنا معاه .. شفتوش
يا ابو سنه ؟

ابو سنه : عىنى عليه يا اولاد

قمر وفتح الله : جرى له ايه يا ابو سنه ؟

ابو سنه : (بتريقه) محيره طول السهاد

قمر : مسكين يابادى

ابو سنه : كان نار وأصبح رماد

قمر : من ايه يا ابو سنه ؟
 ابو سنه : حدّ كان قال له يحب ؟
 قمر :! هو حرام الحب ؟
 ابو سنه : الحب له ناس .. البادى مش منهم
 قمر : ماتنرض انه حب خلاص .. وخلاص بقى منهم
 ابو سنه : يبقى يستاهل عذابه
 فتح الله : ليه بس يا ابو سنه ؟
 ابو سنه : مابعدش ليه عنهم ؟
 قمر : يا شيخ .. دا الحب زى الهوا .. تحتاجه كل الناس ..
 ولا تقدر تحوشه الناس ..
 ابو سنه : (بلهجة ذات معنى)! يا عاشق الجمالات .. تقدر على
 الجمالات ؟
 قمر : القدره ع الحب تقصد ؟
 ابو سنه :! الحب ده كلمة غناوى
 فتح الله : والبادى .. غناها ؟
 ابو سنه : ياريت غناها
 قمر : امال حفظها ازاي ؟
 ابو سنه : حفظها بس يا خساره .. معرفش يسبك دوره
 ع الحارة .. لا منه غنى واتهنى .. ولا منه سبب النار
 وهو فى جنبه .. على كل حال .. النفس بالسوء
 اماره
 قمر : هه .. النفس بالسوء اماره ..

فتح الله : آدى اللى حيحوزوه جمالات ..

قمر : عن اذنكم .. أروح أدور على البادى .

(وقفة - اظلام)

(فى بيت البادى)

قمر : يا ليه بسى يابادى .. تعمل فى روحك العمله دى ؟

البادى : (ضائقا) عملة ايه يا قمر يا ابو زهره ماتسيبنى .. هو
انا ناقصك ؟

قمر : بقى انتہ يعجبك حالك ؟

البادى : نصيبى كده .. قسمتى .. وحامل ايه يعنى ؟

قمر : (فى احتجاج) ياراجل اسكت .. دانت حالك حال ..
زى اللى طلعت روحه كده فى الحال ..

البادى : يا قمر يا ابو زهرة سبنى ... انا ف عرضك .. مانس
سارح معاك الغيظ

قمر : مش قصدى يابادى .. انا قصدى امتى ينعدل حالك ؟

البادى : ماعرفش والله .. معنديش نفس للدنيا

قمر : ماتفوق لنفسك بقى .. شمت فيك الناس .. قصرت
رقبة صحابك .. سيرتك فى دكاكين البلد بيتعمل عليها
شأى .. وع الاسطح بتتغنى .. وتنفض عنها المصاطب
والمناذر بعد نص الليل .. هو انت ايه .. منتاش مقيم
فى البلد ؟

البادى : يانهار ماهشى فايت .. هلبت مابيقولوا ان ال ..

قمر : قالوا اللى مايتقال .

البادى : والشورة ايه يا قمر ؟

قمر : تسحب بهايك ومحراتك وفاسك .. وتوكل على الرزاق ..

البادى : دانا معلول .. ومش قادر أقف معدول .. ومين يقول ان انا اقدر اشيل محرات ؟ .. او اقدر حتى انصب حيلى واتمشى ؟

قمر : (متمجبا) ليه يا جدد) .. طب اللى ماتت عيلته بالواحد ورا الواحد .. ميكونش زيك كده .

البادى : (مخادعا) دانا بس عيان .. ويومين تلاته وارجع جرى ع القيطان

قمر : اقطع دراعى ان قمت ولا شهرين .. حاكم انت تتسلبط وهستموت وترمى الشغل وتروح تنام فى الدار .. مانى عارفك

البادى : لك حق تتكلم .. لكن لو انت فى مطر حى ..

قمر : (يقاطعه) لو كنت فى مطر حى كنت ارمى عن بالى .. واللى باعنى ابيعته طوالى .. واشد حيلى وانزل اشوف حالى .

البادى : (يتنهذ) كلامك يا قمر مغبوط .. بس انا حاسس بانى غريب

قمر : ازاي يا بادى .. دى دارك وهلدك واهلك واصحابك موجودين وياك .. وليه غريب ؟

البادى : من بعد ماكان لى فى اليلدى حبيب .. يداورنى
صبحت مجروح .. ومش لاقى لجرحتى طبيب

قمر : دا كلام بتاع مواويل

البادى : آه يا قمر يا ابو زهره لوقلبك يرق . انما ياخسارة ..
قلبك حتة من قلب البلد ..

قمر : لوقلبى قاسى كنت اسيبك تنفلق

البادى : سوف يا قمر .. لو كنت صاحبى صحيح .. تساعدنى

قمر : فى ايه اساعذك ؟

البادى : اوصل لمحبوبى

قمر : معاك فلوس ؟

البادى : ماهى دى المصيه .

قمر : يبقى فضك م الحبيبه

البادى : اسيب جمالات . واروح لمن ؟ دى هيه بالنسبه لى
ام

قمر : وبعدين بقى .. ماتسينا من دا الغم

البادى : ماقدرش اسيبها .. مقدرش .. جمالات حبيبتى وامى
وامى (يبكى)

(وقفة - اظلام)

(فى بيت جمالات - جمالات تبكى)

رضوان : قلت لك ماتعيطيش .. احسن اسود عيشتك الليله

جمالات : انا عايزه ارواح لامى .. بقى لى مده مازرتهاش

رضوان : (باصرار عنيد) مش حتزوريها
جماليات : وهى ايه ذنبها ؟
رضوان : ليه تقلقيها فى قبرها ؟
جماليات : كتر البعاد يجعلها قلقانه
رضوان : انتى اللى قلقانه .. طهقانه .. وعميانه
جماليات : (لنفسها باكيه ! آه ياغلبى ياانا .. يا حيرانه
رضوان : بسرعة يلا اقلعى هدومك وادخلى اتخمدى
جماليات : (بيأس) خلاص يعنى .. مفيش فايده ؟
رضوان : بطلى غلبه .. وشيلى الفكره من راسك
جماليات : اذا كنت خايف من طلوعى .. حد يطلع يروح معايه .
رضوان : طاوعينى شيلى الفكره من راسك
جماليات : فكره ايه ياأبا ؟
رضوان : مرواح القرافه مفيش .. طلوع من العتبه مفيش ..
 حتى الجواز راخر مفيش
 (طرق على الباب) مين اللى بيخبط ؟
قمر : افتح ياسى رضوان ..
رضوان : (يفتح) اهلا وسهلا مرحبا .. شرفت ياسى قمر ..
 اتفضل اقعد
قمر : (بينما يجلسان) تشكر ياأبو الامرا
رضوان : خدمه اقدر اقوم بيها ؟
قمر : (يومئ برأسه) بس على فكره .. انا جاى اخاطب
 قلبك الاول

رضوان : (بجفاء) ايه الطلب ؟

قمر : البادى من يوم ما طلب جمالات .. وهو ياولداه ..
لو شفته حتقول مات

رضوان : وانا ذنبى ايه يا قمر ؟

قمر : انا قصدى اقول .. ان انت تقدر ترجمه

رضوان : واستحته بنتى ؟

قمر : البادى مايشحتش .. البادى عايزك تعاونه

رضوان : أعاونه ف ايه ؟ .. اديله نص المهر ؟

قمر : (ضاحكا) وايه يعنى لو تدبه .. ماهى برضه بنتك
ياأخى

رضوان : قصر الكلام يا قمر .. البنث مخطوبه

قمر : مخطوبه من امتى ؟

رضوان : مخطوبه من سنتين

قمر : (ضاحكا) لابد للبادى ..

رضوان : البادى ده ماتجيش سيرته .. واذا غاوى المصلحه
.. فضك من الموضوع .

قمر : طب اسمع منى آخر كلمة فى المثيروع

رضوان : لا يا قمر .. كتر الكلام ممنوع

قمر : طب خدها وارميه

رضوان : ايش تقصده بيها ؟

قمر : بنتك لاسمح الله .. عروسه عاوزه تتجوز ... ولا بيعه
.. بدها تتباع ؟

رضوان : بتقول ايه ؟ .. الله يسامحك يا قمر . يا ابن ابو زهره
قمر : انت .. زعلت ولا ايه ؟

رضوان : على كل حال .. قفل على مامعك . وقت العتاب
بعدين .. عن اذنك احسن ماشى .. طالع سوق .

قمر : (ينظر اليه شذرا مع السلامه) يخرج)
(فى الدهليز)

جماليات : (هامسة) يا قمر .. خد الجواب ده معاك .. وديه
للبادى .

قمر : (ياخذ الجواب ويضعه فى جيبه وينصرف)

(فى الشارع العمومى ، قريبا من بيت البادى والمصلى ،
(فى بيت البادى)

البادى : هيه .. عملت ايه يا قمر ؟

قمر : ولا حاجة يابادى .. رحنا انشتمنا وانقلت قيمتنا

البادى : يادى الفضايح يا قمر .. لا حنعرف نعيش فى البلد ..
ولا نرفع قامتنا

قمر : ابدأ يابادى .. لحد الآن ما حد منا يعيبك . واللى عليك
دلوقت .. تشوف شغلك ولا تهتم

البادى : وجماليات .. اللى عندى فى مقام الام ؟

قمر : جمالات معاك .. وآدى الدليل . (يخرج الجواب)

البادى : (فرحا) جواب .. اقراه لى كله يا قمر

قمر : شوف ياسيدى .. جمالات بتقول لك فيه :

ص جمالات : يا حبيبى يابادى .. انا خزيانه من روحى .. ومن

بلدى .. وحسادى .. ولاجل ماتكيد الامعادى .. وتدخل
على جمالات فيه طبيب فى الشام .. بيعطى العطا ميات
البادى : ضيب .. بيعطى العطا ميات ؟ خلاص يا قمر . حنحقق
الاحلام

قمر : (مفكرا) بس يا بادى .. طبيبك فى ارض الشام
البادى : يا باصرار ! لو كان فى سابع ارض حاوصل له
(اظلام)

(فى الشارع العمومى)

فتح الله : علمتو بالاخبار يا ابو سنه ؟

ابو سنه : خير يا فتح الله ؟

فتح الله : البادى رايح الشام

بعض الرجال : البادى رايح الشام ؟

ابو سنه : بيه يا فتح الله ؟ .. حيتوظف هناك ؟

فتح الله : بيقولوا حيقابل طبيب لجراح

(يتبادل الجميع نظره)

اصوات : ايه راي ابو سنه ؟

ابو سنه : (ضاحكا فى خبث وتريقه) قولوا لطبيب الروح ..
فى حنا مجروح ما حد جاله واساه .. ريح ايديك يا طبيب
.. جرح الهوى ما يطيب .. الا على رؤياه

فتح الله : لكن الكلام ده صحيح ؟

ابو سنه : انت اللي جايب الخبر

فتح الله : يروح الشام .. اكيد اتهدف فى مخه

ابو سنه : ربنا يشميه (بخبت) دا الحب ده لعنه .. يارب
ماتبنينا بيه .

فتح الله : لكن يروح الشام ؟

ابو سنه : ياسيدى .. اهو كلام ..
(اظلام)

(فى المصلى) (الشيخ عصر ينهى صلاته . يتقدم البادى)

البادى : مساء الخير يا عم الشيخ عصر

عصر : مساء النور يا بادى .. مالك يا ابنى .. سلامتكم ؟

البادى : الزمن غدار يا عمى الشيخ عصر

عصر : قول بانه الحب .. هو الذى ييخلى الرجال تنكسر

البادى : صحبح يا عم الشيخ عصر .. انا هبار .. وقلبي من
العله التحسر

عصر : اوود يا ابنى .. ياما هموم فى الدنيا شايلها البشر

البادى : وانا فى جرح كبير

عصر : يكونش قلبك الحبيب مشتاق ؟

البادى : سبيننا من الاشواق

عصر : ان كان عياك م الحب .. الحب له ترياق

البادى : ده الحب هو الجرح .. والعله ..

عصر : الحب هو الداء .. وهو الدوا ... وطول ما قلبنا بيحب

.. يبقى طبيبه الهوا .

البادى : بس انا حبيت وطبيت .. ولما نادانى الحبيب لبيت ..

عصر . وايش بعد مالبيت ؟

البادى : على باب الحبيب سجان .. منعه وطردنى .. عشان :
عايز يتاجر فيه

عصر : وعملت ايه ياابنى ؟

البادى : من لوعتى لا نطقت ولا رديت

عصر : على كل حال .. اصبر على المكتوب

البادى : أنا عايز اللجوب .. وهو عايزنى

عصر : اولك نصيب فى حبيب .. استنى حيجيلك لحد البيت

البادى : ده مش يابن .. والجرح خاين .. وقلبى من اهل البلد
.. بيتن وبينجلد .

عصر : وايش بايدك ياولد ؟

البادى : مكتوب (يخرج) جاني من جمالات .. بتقوللى فيه :

ص جمالات : فيه طبيب فى ارض الشام بيعطى العظاميات

عصر : آه .. لازم طبيب الجراح

البادى : بالظبط ياعمى .. طبيب الجراح .. وانا بدى اروح
له .. زى غيرى ماراح

عصر : لكن ياابنى .. سكتة بعیده .. وطريقها أصله طويل
.. طويل .. وانت عيان .. ومفیکش حیل

البادى : ما بهمنیش البعد ياعمى .. طبيب لجراح مادام موجود
.. اروح له .. ولو يخلص حداه دمی

عصر : شوف يابادى .. طبيب لجراح بالفعل موجود .. ومعروف
.. بکن طريقه منین ؟

آهو ده اللى مش معروف

البادى : یعنی انت تسمع عليه ؟

عصر : طبع .. كلنا نسمع عليه .. طبيب مجرب وعارف ..
واللى يعيش فى الدنيا ياما يشوف ؟

البادى : عارف ايه ؟

عصر : عارفت امور الحب .. داق المر .. عرفه وهو شباب
البادى : لكن صحيح .. بيعطى العظاميات ؟

عصر : يابادى ياابنى .. انا من زمان اوعى له واسمع بيه ..
راجل قدير وجليل .. شفى من علة الحب الف عليل .

البادى : (بهرح) يبقى حيشفينى . (صائحا) انا جى لك ياطبيب
.. لاجل تدأوينى .

(أظلام)

(وسعاه امام بيت البادى .. جمع كبير موجود)

قمر : اعقل يابادى

البادى : انا لسه عاقل يا قمر .

قمر : دانت خلاص خرفت

البادى : الله يسامحك يا قمر .

قمر : يابادى فوق .. واعرف نتيجة فعلتك

البادى : نتيجتها خير

قمر : حتصيع الحاضر بشيء غايب ماهش مضمون

البادى : كله بأمر الله . (قمر يشوح بياس)

فتح الله : (صائحا) خلاص .. عقلك فى رأسك اعرف خلاصك

البادى : مضبوط يافتح الله

قمر : بس اما تندم ؟ ..

ابو سنة : (صائحا) جرى ايه ياخوانا .. ماهو حر فى حاجته

البادى : على راي ابو سنة .. انا حر فى حاجتى
عصر : حيث الحكاية كده .. نحكم بشرع الله
ابو سنة : مضبوط ياسيدنا الشيخ .. انا مسند اشترى داره
رضوان : (قادمًا يلهث) ايه يا جماعة .. البادى ايه اخبره
عصر : بس آهى اتحلت .. تاجر المواشى وصل
رضوان : (بحب التجار) انا تحت امر الشيخ عصر .. فيه
 خدمه مطلوبه ؟
عصر : البادى حبيبي داره وبقرته .
رضوان : (بنفاق واضح) ليه كفى الله الشر ؟
ابو سنة : (بسخرية) أصله حيسافر بلاد الشام
رضوان : بلاد الشام ؟ ... ايش تقصدوا بالكلام ؟
عصر : (نصيبه وحكمه) آهو مسافر والسلام .. يمكن حيتعالج
 ويتداوى
رضوان : آه .. حيث كده .. واجب نساعد
ابو سنة : اى والله ياهى رضوان .. ربنا يشفيه .. ويبقى لنا
 الخلاوة
رضوان : أنا حاخذ البقره
ابو سنة : وانا نويت ع الدار
البادى : (لرضوان) تاخذ بقرتى بكام ؟
رضوان : باللى فيه القسمه ياابنى .. ماانا اصلى حاطلمها مع
 كام راس ليوم السوق .. يمكن تحبيب ولو حتى تمنها
البادى : ! وانت ياابو سنة ؟
ابو سنة : حاخذها انقاض ... حاهد وابنى من جديد .. وآهى
 خدمه تترد لنا فى الافراح .

قمر : (ينفجر باكيا) الله يموض على المسكين

أبو سنه : بتبكي ليه يا قمر ؟ .. صاحبك مسافر .. وحيقابل
طبيب الجراح

قمر : الله يجازى اللي كان السبب

البادى : طب والفلوس ياجماعه .. حتندفع امنى ؟

رضوان : جاهز يا ابو سنه ؟

أبو سنه : جاهز ياسى رضوان . بكره ياذن الله .. أنا وان
نتقابل مع البادى .. ونديله الحساب . خلاص
يا بادى ؟

البادى : ! خلاص يا عم .

(٥) الرحيل

(في صحراء - قافلة تسير)

البادي : فرللى ياأخيئا .. فاضل كثير ع الشام (

رجل ١ : ضاحكا) الشام ؟

البادي : (ببلايه) بعيده يعنى ؟

رجل ١ : طبعا بعيده .. بعيده خالص

البادي : (لنفسه) يانهار ماهش فايت (بتواري)

رجل ٢ : عملت ايه في المشكله يا محمددين ؟

رجل ٣ : عملت خير والحمد لله .. طلعت السوق ولقيته

رجل ٢ : واوى حال السوق ؟

رجل ٣ : اهش بطل .. ربك بيرزق برضه مهما كان

رجل ٢ : يعنى جبت المبلغ المطلوب ؟

رجل ٣ : قربت اجيبه .. معايا منه يبجي تلتينه

رجل ٢ : والباقي رح توفيه ؟

رجل ٣ : ربك بعدلها .. بدال ماتتعب قليل اتعب كثير تكسب كثير

البادي : (لنفسه منتبها) اتعب كثير واكسب كثير .. قوللي يا ..

رجل ٢ : محسوك سلامه

البادي : الاخ شغال فين ؟

رجل ٢ : انا كل شغله نلاقيني

البادي : طب وان ماجاش الشغل ؟

رجل ٣ : اخلفه بادي

البادي : تخلفه بابدك .. ازاي باراجل .. ربنا هو اللي يخلق

رجل ٢ : بيخلق لى بيدور وينعب .. ويسمى

البادي : (بزوم) امال انت رايع فين ؟

رجل ٢ : اصل النهارده سوق فده حه بعيده .. وف ايدي سبويه

.. اشتربتها اول امبارح من سوق بلدنا

البادي : وناوى تبيعها هناك ؟

رجل ٢ : باذن الله . حابيعها واشترى غيرها .. وابيع غيرها

واشترى غيرها وابيع غيرها واشترى ..

البادي : رتفضل كده يامه ؟ ..

رجل ٢ : لحد مايجبرني مولانا .. واروح دارنا متمشى ، واعشى

اولادى واصبح اشتغل تانى . امال ياعم .. الرزق بيحب

الخفيف .. تتعب كثير تكسب كثير .. والقروش زى

الصيد .. وانت وشطارتك ..

البادى : (مرددا لنفسه) ياسلام .. تعب كثير تكسب
كثير .

رجل ٢ : على فين باذن الله ؟

البادى : رايح بلاد الشام

رجل ٢ : يا .. ه .. لا بد مابتجى ورا الارزاق .. والله
شاعر

البادى : قوللى .. حضرتك تعرف طبيب لجراح ؟

رجل ٢ : طبيب لجراح (بنفجر ضاحكا) سمعت يامحمدين ؟

القافله : خير ياسلامه ؟

رجل ٢ : أخينا ده رايح بلاد الشام .. لاجل مايقابل طبيب
لجراح (ضحكات)

رجل ١ : آه .. مسكين .. اتاريه تايه

رجل ٢ : له حق يتكعبل فى غلبه

رجل ٣ : دانا كنت فاكرك ابن سوق شاطر .. رايح تتاجر
وتكسب .. تنفع وتستنفع

رجل ٢ : ولا حيدور على رغيغه

رجل ١ : اتاريه بيبحت عن دوا لقلبه

رجل ٢ : (بحرقة) آه .. ياقلبه

البادى : (متعشرا خجلا) مانى برضه حاتعب اهه .. حاسافر
من بلاد لبلاد

رجل ١ : نصيحة لك يااخ .. تقبلها ؟

البادى : أيوه أقبليها ..

رجل ١ : سفرك وتعذيبك زى سير بيلف ع الفاضى .. زى
سافية تدور تدور وماتطلعش ميه - طريقك لسه بدرى
عليه .. روح تمشيه .. بس ياخساره .. حتحصد
ايه ؟ .. وتقبض ايه ؟

البادى : طبيب لجراح بيعطى العظاميات .. حاقبض ثلاث
ميات

رجل ١ : يعنى انت متأكد ؟

البادى : اللى قالوا .. اكدولى

رجل ١ : انت حر ياعم

البادى : (مدعورا) يعنى مش حاقبض ثلاث ميات ؟

رجل ١ : وتقبض ليه ؟

رجل ٢ : شوف بالخيينا . الارض لو مازرعتهاش .. تقدر فى
آخر انعام تحصدها ؟

البادى : بالطبع لا ..

رجل ٢ : الدنيا زى الارض .. اللى يزرع فيها يحصد .. واللى
يتعب فيها يلقى

البادى : طب مانى حاتعب

رجل ٢ : بدال ماتتعب فى الهوا .. اتعب فى حاجة تجيب
نتيجته

الرجال : بالظبط .. اتعب كتير تكسب كتير .

البادى : دا كلام سليم فعلا .. اتعب كتير تكسب كتير .

(القافلة تتوغل فى الصحراء)

(اظلام)

(في بيت رضوان)

رضوان : شرفت يا ابو سنه

ابو سنه : يا اهلا وسهلا .

رضوان : عملت ايه في الدار ؟

ابو سنه : حاطلح ثلاث تدوار

رضوان : اما كان فيها خشب .. وديته فين كله ؟

ابو سنه : ! بتمنه جبنا الطوب .. وطلعن في العالي

رضوان : مبروك عليك يا عم ... ماتشد حيلك بقه

ابو سنه : نفسك معايا امال .. خلينا نفرح بالشقا .. دا

البتت كبرت خلاص .. والعمر مش بعزقه

جماليات : (لنفسها وهي تروح وتجيء خارج الغرفة) جاي

تشتريني بمال ؟ .. والله اما تدفع ثقلی مارضى بك

رضوان : خلاص يا ابو سنه ؟ .. نويت تقيد النور على

بابك ؟

ابو سنه : البركه فيك انت

جماليات : انا عمرى ما اتباع .. انا مش بهيمه في ايد ياع

ابو سنه : ماتقولى ياسى رضوان

رضوان : رح اقولك ايه .. ماهو انت عارف من زمان

ابو سنه : أبوه عارف .. واحب اعرف كمان

جماليات : (هامسة لنفسها) ابعده عننا يا شيطان

رضوان : بصراحه يا ابو سنه .. البنت مخطوبه .

ابو سنه : (ضحكه خبيثه) لمين ياسى رضوان ؟

رضوان : لواحد صاحبنا

ابو سنه : من امتى

رضوان : من زمان

جماليات : آه من التجار ويانا من كلام السوق (بحيرة) تعالى
يامه اسمى وانفرجى .. سجان يبعنى للسجان

ابو سنه : (بخيت) ان كان على الدفع .. ادفع زى مانت
تعور

رضوان :! يعنى تدفع كام ؟

ابو سنه : قد ما حيدفع خطيبها .. واكثر شويه

رضوان : حيدفع ربعيه

ابو سنه : آدى ربعيه اهم ... وف ذمتى ميه .

جماليات : (باسى) تعالىلى يامه .. وخدينى من وسط
الحراميه

رضوان : طب والمؤخر كام ؟

جماليات : (تكرر على انيابها) حرام عليك يا ابا .. ماتحكمش
بالاعدام

ابو سنه : (بزهو) انا اصلى اعرف قيمه الجمالات .. وادفع
تمن غالى

جماليات : آه يا ضنا حالى

رضوان :! قولنا المؤخر كام ؟

ابو سنه : الى انت عايزه اكتبه

جماليات : يارب ع الظالم

رضوان : والشبكه والاعیاد ؟

ابو سنه : دا كله مش حاسبه

رضوان : والله شاری

جماليات : آه یاناری

ابو سنه : وقبل ما انسى .. حیكون لها النص فی داری

رضوان : خلاص یاعم .. الله یریح

ابو سنه : اتفقنا .. من بكرة حادیح .. واعزم اصحابی

وأخیازی

جماليات : (تنهار باکیه) داری علی بلوتک یاللی ابتلیت داری

خلاص اتباعت یامه .. اندفع فی التمن .. حاترمی جوه

القفس ... (تبکی وتغیب فی أعماق الدار)

(مركب في عرض البحر - البوفيه)
البادى : قولى والله .. فاضل كثير ع الشام
الطباخ : .. لسه بدرى .. دانت لسه في مصر
البادى : ياه .. ربنا يسهل .
 (حركات ضوئية تعبر عن مرور الزمن)
البادى : قولى والله .. فاضل كثير ع الشام
الطباخ : احنا لسه في مصر
البادى : ياه .. ربنا يسهل .
 (حركات ضوئية تعبر عن مرور الزمن)
البادى : قولى والله ...
الطباخ : (يقاطعه) احنا لسه في مصر
البادى : (بضيق) دهده يا اخواتى ؟
 (حركات ضوئية تعبر عن مرور الزمن)

البادى : قوللى ..

الطباخ : ضائقا بيه .. أروح منه فين الجدع ده ؟ .. أكونش
أنا لوحدى الى راكب معاه ؟ .. يا عم .. أنا ف عرضك
.. شوف حد غيرى اسأله .. وعلى كل حال .. لسه
بدري خالص ..

البادى : ياخبر أبيض ياناس .. طب دانا معيش فلوس

الطباخ : وأنا أعمل لك ايه ؟

البادى : تدينى أكل ويبقى لك ثواب

الطباخ : وأديلك منين ؟

البادى : الاكل زى الردم اهه .

الطباخ : (يبتسم) والله ما بتاعى .. انا بس حارس عليه

البادى : ما تاخذنى أحرس معاك ؟

الطباخ : (مفكرا) ١ .. ٢ .. اسمع يا أخ .. فيه شغلة تنفع
لك ..

البادى : هاتهالى وحياتك

الطباخ : يعنى انت تقدر تشتغل وتسد ؟

البادى : ما قدرش ليه .. دانا زى شحط واشيل بلد

الطباخ : (مبتسما) تفسل الاطباق ؟

البادى : مفيش مانع

الطباخ : (طب يلاخس .. ورينى الشطاره

البادى : تدفع لى كام ؟

الطباخ : تاكل وتشرب .. وآخر المدة نتحاسب .

البادى : مفيش مانع .. يلا ورنى (يدخل المطبخ ويبدا فى
العمل)

(اظلام)

(فى بيت رضوان)

ابو سنه : الدخلة امتى باذن الله

رضوان : الدخلة بدرى عليها ياابو سنه

ابو سنه : ليه ياسى رضوان ؟

رضوان : بصراحه ياابو سنه .. المهر ماكفاش

ابو سنه : كلام ايه ده اللى بتقوله ؟

رضوان : كلام السوق .. انت تاجر وعارف

ابو سنه : وايه يعنى اللى بتشوفه ؟

رضوان : ادفع كمان ميه

ابو سنه : (لنفسه) ادفع كمان ميه ؟ معلش .. اجيبى القديم

بجديد .. ولو دفعت الميه .. ادخل امتى ؟

رضوان : على طول ياابو سنه

ابو سنه : حب ادى ميه اهم .

رضوان : مبروك عليك يا عم . بعد كام جمعه ادبك خبر ..

وتحصل الدخلة ..

(اظلام)

(فوق المركب)

الطباخ : يعنى مابتسألش دلوقتى .. فاضل كتير ع الشام ؟

البادى : لا مالوش لازمة السؤال .. تيجى وقت ماتيجى
يامعلم

الطباخ : عجيب .. والجرح .. مش لازمه الطبيب ؟

البادى : (متذكرا) اى والله عندك حق .. لكنى بقى .. اهو
كل مادا الالم بيخف

الطباخ : ربنا يخفف كمان وكمان .. تحب تاخذ فلوس ؟

البادى : انا لى عندك كام ؟

الطباخ : كتير .. قربت تبقى من ذوى الاملاك

البادى : محلا العمل ياولاد .. خد شللى دول وياك

الطباخ : دى فلوس كتير .. جات لك منين ؟

البادى : من خدمة الركاب

الطباخ : اله ورزقك زاد

البادى : محلا النزول فى البحر فى الدنيا

(اظلام)

(فى بيت رضوان)

ابو سنه : يعنى مش باين لنا دخله ولا افراح

رضوان : لمؤخذه ياابو سنه .. اصل .. اصل ..

ابو سنه : اصل ايه وفصل ايه .. ماتقولى بصراحه .. المهر
منك راح ؟

رضوان : لا .. دانا بس مكسور فى بيعه مواشى خسرتنى كتير
.. لكن ..

ابو سنه : فيه دخله ولا مفيش ؟

رضوان : بالطبع فيه .. بس اصبر شويه ؟
ابو سنه : اصبر لحد امتى .. واصبر ليه ؟
رضوان : اصل الحكايه وما فيها .. مراتى حامل
ابو سنه : وانا دخلى ايه فى الحمل ؟
رضوان : معلى يابو سنه . عشان البنت تخدمنا .. وتقوم
 بشغل البيت
ابو سنه : (منفعلا) مانشا الله بيتك ما اتخدم
رضوان : مفيش لزوم للغلط .. خلينا محترمين
ابو سنه : ماهو شوف ياسى رضوان . بلاش اللف والدوران ..
 اصل اللى مستور اتعرف .
رضوان : بعنى ايه قصدك ؟
ابو سنه : المهر فى السوق انصرف
رضوان : (مرتبكا) مش عيب يابو سنه ؟
ابو سنه : (ساخرا) لما انت تاجر وبتاجر فى بيتك .. خليك
 حذق .. شوف حد غير ابو سنه تضحك عليه ..
رضوان : احفظ لسانك يابو سنه .. احسن تكون خسران
ابو سنه : هى لسه فيها حساره ياسى رضوان ؟ .. دانت سنتك
 اسود من القطران
رضوان : اطب ودينى ان ما ...
ابو سنه : دينك ايه .. هو انت عندك دين ؟ (يجذبه) تعالى
 اوريك الديانه .. يالمهر يلاقطع رقبتك

رضوان : يا بولك سيبني يا ابو سنه
ابو سنه : ما خلاص .. دخل الشيطان بيننا
رضوان : كده .. طب مفيش لا دخله ولا حنه
ابو سنه : (ينزع سكينه) والله عال
رضوان : دخل السكينه يا ابو سنه
ابو سنه : حادخلها ف رقبتك ايه (يقطعنه)
رضوان : (يقع ميتا) (صراخ - تدخل جمالات مع ناس من
القرية)

جمالات : فتلتنه يا ابو سنه (
ابو سنه : طبعا قتلتنه .. أسيبه يقتلنى ؟
(يتزايد عدد الناس)

الناس : البيت ده ماله .. ايه بيحصل فيه ؟ .. ماتقولى
يا جمالات

جمالات : (بلوعة) ولا حاجة يا جماعة .. تاجر قتل تاجر
رجل : قتلتنه يا ابو سنه ؟

ابو سنه : أبدا يا سيادنا .. دانا مقتول .. مانش قاتل
الناس : ده دم ولا نسب .. ماتقولى يا جمالات ؟ !

جمالات : فى الظاهر اسمه نسب !
الناس : لكن ده دم ايه

جمالات : والدم لى اتنسب
الناس : دم ابوكى يا جمالات ؟
جمالات : (بحرقه) دمي انا

أبو سنه : لا .. دمی أنا .. اتمص منی واتشرب .. سیبوه
یسیل ع الارض

الناس : فین الحقیقه امال ؟

جماليات : آدی الحقیقه ااه .. بتشر فوق الارض

الناس : یا حسرة ع الدنيا .. لما تجور ع العرض

أبو سنه : اصل الحکایة دین .. والدین علینا فرض

جماليات :! اصل الحکایة معركة تجار .. والسوق عریض ..
ومجنون

الناس : طب وانتی یاجماليات ؟ .. یانجمة وسط غیوم .. مش
كان علیکی الدور

جماليات : أنا كنت بیعه فی اید دلال

الناس : وقلبک المیال ؟

جماليات : بیرخصوه فی السوق .. وعمره ما یتحسب

الناس : یا حسرہ ع الجمالات

جماليات : سیبونا من جمالات .. خلونا فی الی مات

أبو سنه : ماقلنا معركة تجار .. فی سوق واسمه النسب

الناس : یا هلتری .. مین فی التلاته ... کسب !؟

(ركن المطبخ - كهف الطبيب - شارع في القرية) !

(في ركن المطبخ)

البادى : ! (صائحا بفرح) وصلنا

الطباخ : ادى ياعم الارض اللى انت عايزها

البادى : البركة في صحبتك يامعلم . ياسلام . كان لازم الواحد
يركب السفينه من زمان

الطباخ : وادى حقك ايه

البادى : (مذهولا) ايه ده .. اودبها فين الصره دى ؟

الطباخ : دى فلوسك انت

البادى : طب خليها لى معاك . هو انت حتسيبنى ؟ .. ولا انا
روح اسيبك ؟ ..

الطباخ : يعنى .. حترجع معايا ؟

البادى : دى كلمة ورد غطاها مش اكرر

الطباخ : مع السلامة .. فى انتظارك يا بادر

(اظلام)

(فى كهف الطبيب)

(طرق على الباب)

الطبيب : (نفسه) عليل مين ده اللى بيخبط فى نص الليل ؟

(يفتح)

البادى : مساء الخير .. ده بيت طبيب لجراح ؟

الطبيب : اتفضل يا ابنى .. هو ده بيته .. وانا طبيب لجراح

البادى : ريدخل! ياسلام .. لو تعرف انا عملت ايه عشان

اوصل لكم يا طبيب ؟

الطبيب : ماهو يا ابن عليك

البادى : انا جاى من آخر الدنيا

الطبيب : شرفت يا ابنى .. اتفضل اقعد ..

البادى : (يجلس) يزيد فضلك

الطبيب : (يجلس) قوللى .. ايه بقى علتك ؟

البادى : انا فى جرح .. جوا الحشا .. فى القلب

الطبيب : هجرك المحبوب ؟

البادى : ابدا .. محبوى ويايا .. قلبه مع قلبى

الطبيب : الزمن فرق ما بينكم ؟

البادى : ما اقدرش اقول الزمن

الطبيب : يبقى النصيب ؟

البادى : باحب طير محبوس

الطبيب : يا اد .. تبغى الحكاية فلوس

البادى : (فرحا) بالطبط .. تازت ميات .. طلبهم السجان ..
لو ادفع له ثلاث ميات .. ينطلق طبرى .. ويبقى لى ..

الطبيب : (يهز كتفيه) يبقى مفيش مشكله

البادى : ربنا يخليك لنا يا طبيب .. ويديم علينا فضلك
الواسع

الطبيب : الفضل فضل الله .

البادى : و .. و .. وفضلك برضه بعد الله ..

الطبيب : وايه بقى تطلبه منى ؟

البادى : (مصدوما) هه .. ا .. ا .. ا .. اطلب حل للمشكلة

الطبيب : قلنا مفيش مشكله .

البادى : يا دول ثلاث ميات

الطبيب : ايوه مفيش مشكله فى القلب امالجها .. قصدى ..
مفيش عله

البادى : وانتلات ميات .. ماهش عله ؟

الطبيب : دى عله فى الحبيب .. مش عله فى القلب

البادى : لكنها مانعانى عن طبرى

الطبيب : علاجها يملكه ضمى ..

البادى : (مهموما) اروح لمن يا طبيب .. يقولوا انك بتعطى
العطاميات

الطبيب : لو انت معلول ومش لاقى حق الدوا .. امالك لك احد
ماتشفى

البادى : والعطا .. والميات ؟

الطبيب : العلاج نفسه عطا .. اكثر من الميات

البادى : (يتنهد مغلوبا على امره) والحل ايه يا طبيب .. ايه دوا علة الجيب ؟

الطبيب : مسكين يا ابنى .. علتك مالهاش طبيب غيرك .. داوى نفسك بايدك .

البادى : طب واعمل ايه فى الحظ ؟

الطبيب : الحظ مايساعدكش .. الا ان ساعدت روحك

البادى : والصحه .. والعافيه ؟

الطبيب : انوى العمل واشتغل .. وخط فى دماغك انك على كل شىء قادر

البادى : معرفش ليه يا طبيب .. باخاف من بكره واحواله

الطبيب : اللى يخاف من بكره ميصحش يعيش .. تخاف من بكره ليه ؟

البادى : دايما اسأل .. بكره بيخبى لى ايه ؟

الطبيب : السؤال الحقيقى : انت شلت لبكره ايه ؟

البادى : قصر الكلام يعنى .. انا كل شىء فى الامر ؟

الطبيب : بالظبط يا ابنى .. انت العليل وانت الطبيب .. انت الصحة وانت الدوا

البادى : طيب .. متشكرين يا طبيب (ينهض) افوتك بعافية

الطبيب : ماهو بدرى يا ابنى

البادى : بدرى من عمرك .. ورايه ميعاد فى المركب

الطبيب : ربنا وياك .. (يخرج البادى)

(اظلام)

(فى مطبخ المركب)

الطباخ : جبت التلات ميات ؟

البادى : التلات ميات على الله وعليا .. ربنا يسهل واجيبهم
من ثمنا درامى

الطباخ : انا كنت عارف .. بس سبتك تشوف بنفسك

البادى : على كل حال .. ربنا يدينى صحه وعافيه وانا اجيبهم

الطباخ : اسمع يا بادى .. انت عندك حاجه ربطاك بالبلد ،

البادى : عندى جمالات

الطباخ : وان جات هنا جمالات .. تستنى وياه ؟

البادى : ياخبر .. دانا اشيل ترابك شيل

الطباخ : العفو يا بادى ..

البادى : يعنى .. يعنى ..

الطباخ : انا بصراحة حبيتك .. ومش عايز افرط فيك

البادى : الله يخليك .. وانا والله مش عايز اسيب صحبتك ..
ولا عمرى حانسى محبتك ..

الطباخ : يبقى اتفقنا .. اول ما توصل مصر .. حتسافر تجيب
جمالات

البادى : والتلات ميات ؟

الطباخ : التلات ميات اهم . انت لك عندى مبلغ كبير .. والباقى
حاقسمه نصين .. نص من عندى نقوط .. والنص تبقى
تدفعه بعدين

البادى : ياسلام ع المجدعه والمرجله .. كده الشهامه والا فلا .

الطباخ : انا اصلى مكوى ومجروح من زمان .. وعارف انت
حالتك ايه

البادى : (مرددًا) يا حبيبتي يا جمالات .. انا جاى لك .. وفى
ايدى التلات ميات .

تمت

كتب للمؤلف

- ١ - **اللعب خارج الحلبه** - (روايه٢ - الهيئة العامة للكتاب
سنة ١٩٧٠ - نقد
- ٢ - **محاكمة طه حسين** - (دراسة) - مؤسسة التأليف والنشر
بيروت سنة ١٩٧٠ - نقد
- ٣ - **فتح الانغلس** - (دراسة مسرحية) - الهيئة العامة للكتاب
سنة ١٩٧٣ - نقد
- ٤ - **السنهوري** - (روايه) - الهيئة العامة للكتاب سنة ١٩٧٨
- نقد
- ٥ - **فلاح مصرى فى بلاد الفرنجه** - (رواية رحلة) - دار
المعارف سنة ١٩٧٨ - نقد
- ٦ - **الأوباش** - (روايه) - دار روزاليوسف سنة ١٩٧٨ -
نقد
- ٧ - **فى المسرح المصرى المعاصر** - (دراسات٢ - دار المعارف
سنة ١٩٨١
- ٨ - **صاحب السعادة اللص** - (قصص طويلة) - دار الهلال
سنة ١٩٨١-
- ٩ - **صياد اللولى + سوناتا الأمل** - (مسرحتان) - الهيئة
العامة للكتاب سنة ١٩٨٢

صياد اللولى - ١٦١

- ١٠ - رحلات الطرشي الحلوجي في الزمكان - (روايات تاريخية) - كتاب اليوم
- ١١ - الشطار - (رواية كبيرة) - تحت الطبع
- ١٢ - الظرفاء - (شخصيات أدبية وفنية) - تحت الطبع
- ١٣ - مذكرات رجل منهرم - (قصص قصيرة) - تحت الطبع

مطابع الهيئة المصرية العامة للكتاب

رقم الايداع بدار الكتب ١٩٨٢/٢٩٦٥

ISBN

٨ - ٢١ - ١ - ٩٧٧

726
81s



0535112

مطابع الهيئة المصرية العامة

٧٥ قرشا